

— ۰
۲۱.۰۴.۷۷

۲۱.۰۴.۷۷

**MAHARAJA
BIR BIKRAM COLLEGE
LIBRARY**

—0—

Class No.....

Book No.....

Accn. No.....

Date.....

**This book was taken from the Library on the date
last stamped. It is returnable within 14 days.**

22.7.54

12.4.61

16.11.62



স্বধীন্দ্রনাথ দত্ত


—
সংবর্ত



সিগনেট প্রেস

কলকাতা ২০

আব্দু সয়ীদ আইয়ুব
বন্দুববেব করকমলে



প্রথম সংস্করণ

জ্যৈষ্ঠ ১৩৬০

প্রকাশক

দিলীপকুমার গদপ্ত

সিগনেট প্রেস

১০।২ এলগিন রোড

কলকাতা ২০

নামপত্র

সত্যজিৎ রায়

প্রচ্ছদপট

শ্ৰীভেন্দ্র বসু

মুদ্রক

শৈলেন্দ্রনাথ গুহরায়

শ্রীসরস্বতী প্রেস লিমিটেড

৩২ আপার সারকুলার রোড

বাঁধিয়েছেন

বাসন্তী বাইন্ডিং ওয়ার্কস

৬১।১ মিজাপুর স্ট্রীট

সর্বস্বত্ব সংরক্ষিত

দাম দুটাকা

সূচীপত্র

মুখবন্ধ ৯

সংবর্ত

নান্দীমুখ (তোমার যোগ্য গান বিরচিব বলে) ১৫

উপসংহার (সমাপ্ত সর্পির্ল পথ দিগন্তের পর্বতশিখরে) ১৯

উজ্জীবন (কেন তুমি আসো না এখনও) ২১

জেসন্ (বহু কণ্ঠে শিখিছি সাঁতার) ২৫

সংক্রাম (তোমার আমার মাঝে বিরহের বাহিনী বহে না) ২৮

কাস্তে (আকাশে উঠেছে কাস্তের মতো চাঁদ) ২৯

জাতক (১) (উন্মত্ত আকাশে শূনি চমৎকৃত চিলের চিৎকার) ৩১

জাতক (২) (অথবা পিশাচ সূক্ষ গন্ধু ইতিহাসের খাতক) ৩২

সংবর্ত (এখনও বৃষ্টির দিনে মনে পড়ে তাকে) ৩৩

বিপ্রলাপ (হয়তো ঈশ্বর নেই; স্বেব সৃষ্টি আজন্ম অনাথ) ৩৯

কণ্ঠকী (নাটকী নায়ক-রূপে আজীবন দেখেছি নিজেকে) ৪০

সোহংবাদ (নিখিল নাস্তির মোনে সোহংবাদ করেছি ধ্বনিত) ৪১

১৯৪৫ (তুমি বলেছিলে, জয় হবে, জয় হবে) ৪২

যযাতি (উত্তীর্ণ পঞ্চাশ : বনবাস প্রাচ্য প্রাজ্ঞদের মতে) ৪৫

উন্মার্গ (ঢেউ গুণে গুণে কেটে যায় বেলা) ৪৯

প্রত্যাবর্তন (গোধূলি উড়িয়ে সন্ধ্যার হাওয়া যখন ওঠে) ৫২

প্রান্তনী

পুনরাবৃত্তি (অন্যায় রণে বার বার বিধ্বস্ত) ৫৯

লগ্নহারা (তোমার আমার বাড়ির মধ্যে যবে) ৬০

অসময়ে আহ্বান (মরণ, আমারে দিয়েছ আজিকে ডাক) ৬২

প্রত্যাখ্যান (আমার মনের বনের সঙ্গোপনে) ৬৪

প্রতিধ্বনি (নিষ্ফল স্বেদ, বৃথা নিবেদ) ৬৫

অনিকেত (আজিকে মেঘাবচ্ছিন্ন প্রথম আষাঢ়ে) ৬৭

পথ (অনুগ উত্তর হতে পলাতক দক্ষিণের পাছে) ৭০

মুখবন্ধ

মহাকাব্যের নাকি নিরবধি কাল ও বিপুল পৃথিবীর পোষ্যপুত্র; এবং তাঁদের পাশে আমি শুধু উদ্বাহু বামন নই, এমনকি তাঁরা যদি রসস্রষ্টা হন, তবে রসজ্ঞ-উপাধিও আমাকে সাজে না। অন্ততপক্ষে আমার লেখায় আধুনিক যুগের স্বাক্ষর সম্পূর্ণ; এবং ব্যক্তিগত অভিজ্ঞতা আর যথার্থ অনুশীলনের ফলে আজ আমি যে-দার্শনিক মতে উপনীত, তা যখন প্রাচীন ক্ষণবাদেরই সাম্প্রতিক সংস্করণ, তখন না-মেনে উপায় নেই যে আমার রচনামায়েই অতিশয় অস্থায়ী। কিন্তু অচির আর অনীহ একই বিশেষণের প্রকারভেদ নয়; এবং বৌদ্ধদের মতো বৈশিষ্ট্য ব'লেই আমি যেমন কর্মে আস্তাবান, তেমনই আমার বিবেচনায় স্বাবলম্বী কর্তা জগৎ-সংসারের মূলাধার।

সাহিত্যে উক্ত বিশ্বাসের প্রয়োগে প্রেরণা-নামক দায়িত্বহীনতার মর্ষাদালাঘব অবশ্যম্ভাবী; এবং তৎসত্ত্বেও কাব্যভুক্ত বিষয়ের নির্বাচনে বিষয়ীর স্বায়ত্তশাসন যৎকিঞ্চিৎ বটে, তথাচ প্রবৃত্তি ও প্রতিবেশ-প্রভাবিত প্রসঙ্গের প্রকাশ যেহেতু ঐকান্তিক সংকল্প তথা অবিশ্রান্ত অধ্যবসায়ের অপেক্ষা রাখে, তাই কবিতা-বিশেষের জন্মকালে পাঠকের প্রয়োজন নেই, তার পরিণত রূপই সাধারণের বিচার্য। অবশ্য মানুষের শ্রেষ্ঠ সিদ্ধিও অসম্পূর্ণ; এবং এমন শিক্ষাসামগ্রী বিরল যা আদ্যন্ত অনবদ্য অথবা যার শ্রীবৃদ্ধি অভাবনীয়। তাহলেও যে-কোনো সময়ে লেখকের তদানীন্তন প্রযত্নের সমস্তটা যে-লেখায় বর্তায়নি, তার প্রচার আমার মতে সাহিত্যসাধনার প্রতিকূল; এবং সেইজন্যে পদ্যরচনার তারিখের উল্লেখ আমার চক্ষে আত্মক্ষালনের হাস্যকর প্রয়াসমাত্র।

অর্থাৎ সংস্কারসাধ্য জেনে কোনো রচনাকে অপেক্ষাকৃত স্থায়ী আকার দিতে আমার বিবেকে বাধে; এবং আমার দীর্ঘসূত্র স্বভাবে অনুব্যবসায়ের আধিক্যবশত গত পনেরো বছরের কোনো লেখাকে আমি এখনও গ্রন্থস্থ করিনি। কারণ দ্বিতীয় মহাসমরের কয় বৎসর আত্মশুদ্ধির অবসর মেলেনি; এবং তার পরে অপ্রকাশিত রচনাবলী যথাসম্ভব শুধরেছি বটে, কিন্তু ইতিমধ্যে পারিপার্শ্বিকের পট এত দ্রুত বদলেছে যে সমসাময়িক ইতিহাসের কার্যকারণশৃঙ্খলা আজ হয়তো অনেকের মনে নেই। অথচ উক্ত যুদ্ধ যে-ব্যাপক মাৎস্যন্যায়ের অবশ্যম্ভাবী পরিণাম, তার সঙ্গে পরবর্তী কবিতাসমূহের সম্পর্ক অকাট্য; এবং স্থানাঙ্ক-ব্যতিরেকে সেই অপরিমেয় পটভূমিতে এগুনের উপস্থাপন দৃষ্টির ভেবেই প্রত্যেকটার কালক্রম অগত্যা সূচিত হলো।

তৎসত্ত্বেও আমার কাব্যজিজ্ঞাসায় আধার আধেয়ের অগ্রগণ্য; এবং জীব হিসাবে আমি বহির্জগতের অধীন বটে, কিন্তু এ-বইয়ে অসামান্য অনুভূতির অভাব শোচনীয়। এমনকি কোনো বিশিষ্ট রীতির ক্রমবিকাশ পর্যন্ত এ-পুস্তকে লিপিবদ্ধ নেই; এবং বিশ বৎসর যাবৎ আমি যদিও জ্ঞানত গদ্য-পদ্যের নির্বিরোধ চাই, তবু এখনও আমার সাধ ও সাধ্য মাঝে মাঝে পরস্পরের বাধ সাধে। ফলত ছন্দোরক্ষার খাতিরে অথবা মিলের গরজে সাধু ও প্রাকৃত ভাষার সংমিশ্রণ, নামধাতুর বাহুল্য, বিভক্তিবিপর্যয়, ইত্যাদি বাংলাকাব্যের অনেক অভ্যাসদোষ একাধিক কবিতায় রয়ে গেল; এবং চুটিসম্পন্ন দেখেও সেগুলোকে যেকালে ছাড়তে পারলুম না, তখন নিজের প্রতি যে-নিরাসক্তি সংসাহিত্যের অনন্য লক্ষণ, তাকে আমার আয়ত্তে আনতে দেরি আছে।

সে যাই হোক, মালার্মে-প্রবর্তিত কাব্যাদর্শই আমার অন্বিষ্ট : আমিও মানি যে কবিতার মূখ্য উপাদান শব্দ; এবং উপস্থিত রচনাসমূহ শব্দপ্রয়োগের পরীক্ষা-রূপেই বিবেচ্য। ছন্দে শৈথিল্যের প্রশয় না-দিয়ে, লঘু-গুরু, দেশী-বিদেশী, এমনকি পারিভাষিক, শব্দও আচরণীয় কিনা, সে-অনুসন্ধানও হয়তো কোনো কোনো কবিতায় রয়েছে; এবং শব্দ ও ছন্দ উভয়ই যেহেতু পরজীবী, তাই বর্তমান শব্দবিন্যাস ও ছন্দোব্যবহারের ভূমিকা লেখকের ভাবনা-বেদনা যার বহিরাশ্রয় আবার ইদানীন্তন ঘটনাঘটন। কিন্তু একই মলাটের ভিতরে কতিপয় পুনর্লিখিত কৈশোরিক কবিতাও স্থান পেয়েছে; এবং সেগুলো জাতিতে এতই আলাদা যে এখানে লেখা-কটার অনধিকার প্রবেশ আমার লজ্জাকর মমত্ববোধের অপর নমুনা।

কারণ আমি যখন পদ্য লিখতে শিখিছিলুম, সে-সময়ে যারা কবিযশঃপ্রার্থীদের অনুকার্য ছিলেন, তাঁরা ভাবতেন সার্থক কাব্যের প্রধান গুণ স্বাচ্ছন্দ্য; এবং সেই-জন্যে উচ্ছ্বাসসংবরণ যে সাহিত্যসাধনার আদ্যকৃত্য, এ-কথা বৃদ্ধিতে বৃদ্ধিতে আমার অর্ধেক যৌবন কেটে গিয়েছিল। পঞ্চাশতের তদানীন্তন অখ্যাতকুলশীলের ভাগ্যে লেখা ছাপানোর সুযোগ আসত কালে-ভদ্রে; এবং আমার প্রথম বই “তন্বী”-প্রকাশে রবীন্দ্রনাথের অনুমতি ১৯৩০ সালের আগে মেলেনি। সুতরাং সে-সঙ্কলন থেকে আমার তরুণ বয়সের অনেক লেখা বাদ পড়েছিল; এবং বছর-দুয়েক পূর্বে সমস্ত কবিতা একত্রে গাঁথার ইচ্ছায় পুরাতন খাতা-পত্র ঘাঁটতে ঘাঁটতে আমি অনুমান করেছিলাম যে সে-সকল রচনা কেবল আমারই অপকীর্তি নয়, তখনকার আদর্শও বেশ খানিকটা অপরাধী।

অস্তুত এমন বিশ্বাস নিতান্ত অমার্জনীয় ঠেকেনি যে আজকের আবহে লিখতে

বসলে উক্ত আধো-আধো কবিতার দৃ-একটা হয়তো অল্প-বিস্তর উৎরে যেত ; এবং আরম্ভে মনে হয়েছিল অর্বাচীন কল্পনার উদ্দাম উচ্ছ্বাস তাড়াতে পারলেই, যেগুলোতে বস্তুব্যের কিছুমাত্র বৈশিষ্ট্য আছে, সেগুলোর উদ্ধার সম্ভবপর। কিন্তু কাগজ-কলম নিয়ে বসতেই দেখলাম যে ক্রোচে-প্রস্তাবিত উক্তি ও উপলক্ষের অদ্বৈত অক্ষরে অক্ষরে সত্য ; এবং প্রত্যেকটার বেলায় যদিও যৎপরোনাস্তি প্রয়াস পেয়েছি যাতে মূল ভাব ও চিত্রকল্প, এমনকি সহনীয় মদ্রাদোষ পর্যন্ত, অপরিবর্তিত থাকে, তবু ভাষার তারতম্যে, তথা আয়তনের সংক্ষেপে, লেখাগুলো যে-রকম বদলেছে, তার সঙ্গে বোধহয় অভিব্যক্তিবাদীর জন্মান্তরই তুলনীয়।

সমগ্র গ্রন্থাবলী প্রকাশের সূবিধা ঘটলে এই মক্শগুলোকে হয়তো অন্যত্র সরানো যাবে ; কিন্তু ততদিন অর্বাচীন নিত্য মদ্রহর্তের দিগন্তে এগুলো অতীতের মরীচিকা ; এবং এ-কটাকে যথাসাধ্য শোধরাতে পেরেছি বলে যখনই ভাবি যে অন্তত কলাকৌশলে গত ত্রিশ-পঁয়ত্রিশ বছরে আমি অনেক দূর এগিয়েছি, তখনই মনে পড়ে যে প্রসঙ্গ ও প্রকরণের পার্থক্য যেহেতু অবৈধ, তাই, অভিজ্ঞতায় আমি প্রায়সর হলে, ও-জাতীয় সংস্কারের প্রবৃত্তি কখনোই আমার জাগত না। অগত্যা বৈনাশিক ক্ষণবাদেই বর্তমান মদ্রখবকের সূচনা ও সমাপ্তি ; এবং সে-বিশ্ব-বীক্ষায় যেমন আত্মপ্রসাদের অবকাশ নেই, তেমনই তার মধ্যে প্রতিবিপ্লবী শ্রেণী-স্বার্থের প্রত্যাদেশ খোঁজা পণ্ডশ্রম।

কলকাতা ॥ ৩১ মে ১৯৫৩

সংবর্ত

নান্দীমুখ

তোমার যোগ্য গান বিরচিব বলে,
বসেছি বিজনে, নব নীপবনে,
পদ্পিত তৃণদলে ।
শরতের সোনা গগনে গগনে ঝলকে ;
ফুকারে পবন, কাশের লহরী ছলকে ;
শ্যাম সঙ্ক্যার পল্লবঘন অলকে
চন্দ্রকলার চন্দনটীকা জ্বলে ।
মুঞ্চ নয়ান, পেতে আছি কান,
গান বিরচিব বলে ॥

তব্দ অস্তরে থামে না বৃষ্টিধারা :
আর্দ্র, ধূসর, বিদেহ নগর,
মৎসর প্রেত-পারা,
প্রকৃতির লীলা আবারি কুহেলীকানাতে,
ইঙ্গিতে যেন চায় অভিযোগ জানাতে ;
তন্ময় ধ্যান ভেঙে যায় তার হানাতে ।
ছায়া-প্রচ্ছদে যাতায়াত করে কারা ?
কী নাম শূধাই—উত্তর নাই ;
ঝরে শূধু বারিধারা ॥

মুখে এক বার তাকায় নির্নিমেষে,
শূন্যোস্তব দেব, না দানব,
আবার শূন্যে মেশে ।
বর্ষা তারা শূন্য কুম্ভাটিকার চাতুরী :
তবু তুলনায় ধনু জাগায় মাথুরই ;
প্রতীকপ্রতিম তাদের কাস্তে, হাতুড়ি
ফসল মড়াই, মানমন্দির পেষে ।
মূর্ত নিষেধ, মূক নির্বেদ
তাকায় নির্নিমেষে ॥

কখনো কখনো মনে হয় যেন চিনি—
বিদ্যতে লেখা হেন রূপরেখা
চীনে পটে বন্দিনী ।
স্পেনেও হয়তো অমনই অঙ্গভঙ্গি
চিত্রাৰ্পিত অসংহতির সঙ্গী ;
সেখানেও আজ নিভৃত বিলাস লঙ্ঘি,
স্পেনে উপবনে পরদেশী অনীকিনী ।
স্পেন থেকে চীন প্রদোষে বিলীন ;
অথচ তাদের চিনি ॥

ভালোবেসেছিল তারাও, আমার মতো,
সীমাহীন মাঠ, আকাশ স্ফরাট,
তারারশি বাতাহত ।
গন্ডালিকার সহবাসে উত্ত্যক্ত,
তারা খুঁজেছিল সাযুজ্য সংরক্ত ;
কল্পতরুর নত শাখে সংস্কৃত
শুক্ল শশীরে ভেবেছিল করগত ।
নগরে কেবল সেবিল গরল
তারাও, আমার মতো ॥

কিন্তু শূন্যে ছড়িয়ে উর্গাজাল,
মধুমক্ষীরে উপহাসে ঘিরে
জাগ্রত মহাকাল ।
জনপ্রাণীও পারে না তা থেকে পলাতে ;
পোড়ে মোঁচাক আধিদৈবিক অলাতে ;
নৈমিত্তিক সব্যসাচীর শলাতে
অপসৃত হয় গর্দাপ্তর জঞ্জাল ।
কানা মাছি উড়ে ; ত্রিভুবন জুড়ে
কালের উর্গাজাল ॥

তাই আমাদের সমাহিত অভিসারে
ঘটে দর্গতি ; মৌন অরতি
সঙ্কেত প্রতিহারে ।
বিপ্রলঙ্ক বিশ্বমানব বিষাদে
অঙ্গুলি তুলি, দেখায় অলখ নিষাদে ।
বুঝেও বুঝি না নিরাকার আঁখি কী সাথে,
প্ররোচিত করে ত্যাগে, না অঙ্গীকারে ।
মাগে প্রতিশোধ, মানায় প্রবোধ,
অনিকেত অভিসারে ॥

তার স্বাধিকার আগে ফিরে দিতে হবে ;
নতুবা নগর, তথা প্রান্তর,
ভ'রে রবে বাসী শবে ।
অশক্য পিতা ; বলীর কণ্ঠলগ্ন
মাতা বসুমতী ব্যভিচারে আজ মগ্ন ;
ক্ষত্র শোণিতে অবগাহি, জামদগ্ন্য
তব্দু পাতিবে না স্বর্গরাজ্য ভবে ।
স্বীয় শক্তিতে হবে যোগ দিতে
শুদ্ধির তান্ডবে ॥

২৭ জুলাই ১৯৩৮

উপসংহার

সমাপ্ত সর্পিলা পথ দিগন্তের পর্বতশিখরে ;

তার পরে অপার নীলিমা ।

কী হবে উদ্দেশ্য খুঁজে উর্ধ্বশ্বাস নক্ষত্রনিকরে ?

এখানেই পৃথিবীর সীমা ।

পশ্চাতেও কিছুর নেই । লোকালয়—সে কেবল নাম ।

সেথা শিবি নেই বটে, কিন্তু ক্ষুদ্র শিবা লাখে লাখে

সিংহের ভুক্তাবশিষ্ট খোপে খোপে জমা ক'রে রাখে,

ভাঙে যোঁথ অনূলাপে শ্মশানের একান্ত বিশ্রাম ।

হেথা নাস্তি পৃষ্ঠে, পুরোভাগে :

মাঝে শূদ্র তুমি, আমি আর এ-আদিম অরণ্যানি ;

সমর্ধনিমগ্ন কাল, অসম্ভূত অমা একা জাগে,

পরহত লুপ্ত কানাকানি ॥

তিলভাণ্ড সর্বনাশ : অতিদৈব বিশ্বের দেউল :

প্রার্থনা বা অভিযোগ বৃথা :

প্রতিজ্ঞাবিস্মৃত কল্কি, কিংবদন্তী শিবের গ্রিশূল,

শূন্যকুম্ভ পুরাণ, সংহিতা ।

অন্যোন্মাদসম্বল আজ গ্রিভুবনে আমরা দৃজনে ;

আমাদের পটভূমি নিরপেক্ষ, নিষ্কল নৈমিষ ।

অতীতের পক্ষাঘাত, ভবিষ্যের বাচাল কুলিশ
অনাথ দুর্গের ধ্বংস রটাবে না কপোতকুঞ্জে :
অক্ষমের আবশ্যিক ক্ষমা
এখানে কীর্তিত নয়, বন্ধুত্বের বিড়ম্বনা নেই,
রাবণের দূতী-রূপে পতিসেবা করে না সরমা,
স্বাবলম্বী—মরে সে প্রাণেই ॥

প্রনষ্ট পৃথবীর প্রান্তে তমিস্রার লজ্জাবস্ত্রে আজ
এসো নগ্ন মনুষ্যত্ব ঢাকি ।
রক্তে কিম্বা অশ্রুপাতে নিষ্কলঙ্ক হবে না সমাজ ।
কেন তবে তাকে মনে রাখি ? .
মানবের অগ্রজেরা আমাদের মর্ষাদা শেখাবে ;
ছায়া দেবে বনস্পতি ; শৈলশ্রেণী জোগাবে নির্ভর :
সভ্যতার অভিশাপে প্রস্তুরিত অধীনারীশ্বর
স্বপ্নদুঃস্থ ক্লৈব্য থেকে অকস্মাৎ অব্যাহতি পাবে ।
অতঃপর পরিণামী কুশ
• অভ্যস্ত দ্রাস্তির বশে গড়ে যদি পুনশ্চ পুণ্ডলি,
সে-কুহকে ম'জে যেন নৈর্ব্যক্তিক প্রকৃতি-পদরূষ
মাড়ায় না মতের দেহলি ॥

২০ অক্টোবর ১৯৩৮

উজ্জীবন

কেন তুমি আসো না এখনও ?
ওই শোনো,
নির্জিহের নিরুপায় কণ্ঠস্বর, শোনো,
অতিদৈব দেউলের প্রতিধ্বনিপ্রহত গম্বুজে
উদয়ান্ত তোমাকেই খুঁজে,
অবশেষে ফিরে আসে আত্মঘাতী পরিহাস-রূপে।
সাংস্কৃতিক যুগে
বিনা রক্তে হয়ে গেছে বলি
ইতিমধ্যে কত শত পরাণপুত্তলি:
আতর্নাদ ছাড়া আজ নৈবেদ্যের যোগ্য কিছুর নেই ॥

নিবর্তিত আশ্বাসের দ্বিরুক্তি শুনেই
জনশূন্য উন্মুখ গোপন,
পিপাসাচী চম্বুর
অগ্রগতি নিষ্কণ্টক, পর্যুষিত পাদ্যার্ঘ্য-সহিত
দলে দলে প্রাক্তন ভক্তেরা উপস্থিত
সমুৎপন্ন সর্বনাশে অর্ধত্যক্ত পরম্ব কুড়াতে,
প্রতিবাতে
দুর্নিবার পতাকার প্রাগল্ভ্য কেবল
মুখরিত করে নভস্তল ॥

আসন্ন প্রলয় :

মৃত্যুভয়

নিতান্তই তুচ্ছ তার কাছে ।

সর্বস্ব ঘুচিয়ে যারা ব্যবচ্ছিন্ন দেহে আজও বাঁচে,

একমাত্র মনুষ্যই তাদের নিভর ;

প্রাণ আর জড়

আবার তাদের মধ্যে আশ্লিষ্ট অশ্লীল সহবাসে ।

প্রত্যাগত প্রহ্ন বিপর্যাসে

পরিপূর্ণ বিবৃতির অশ্রুত মন্ডল ।

আখন্ডল

নিরর্থক নামমাত্র : জরাগ্রস্ত সহস্রাঙ্কে আর

পড়ে না নারকী কীট ; কুলিশপ্রহার

কম্পিত হাতের দোষে নির্দোষের মন্ডপাত করে ॥

অস্পৃশ্য অম্বরে

তবুও অদৃশ্য তুমি ?

নিরঙ্কুশ, নিঃসন্তান, নিত্য মরুভূমি

আশ্রিতের পুরস্কার—প্রতিশ্রুত ভূস্বর্গ তবে কি ?

এই পরিণতির লোভে কি

জন্মালে নারীর গর্ভে, আত্মবলি দিলে নরমেধে,

কণ্টককিরীট প'রে, বিনা ধনুর্বেদে
হলে দঃস্থ ধূলির সম্মাট,
মৃত্যুর কবাট
থলে রেখে, চ'লে গেলে সার্বজন্য সুধার সন্ধানে,
আশ্রিতের কানে
সাম্য-মৈত্রী-তিতিষ্কার বীজমন্ত্র টেলে,
মিয়াদী প্রদীপ জেলে
পণজীবী প্রতীষ্কার অনন্ত অভাবে ?

নিশ্চিহ্ন সে-নিচিকেতা ; নৈরাশ্যের নির্বাণী প্রভাবে
ধূম্বাঙ্কিত চৈতে আজ বীতান্নি দেউটি,
আত্মহা অসূৰ্যলোক, নক্ষত্রেও লেগেছে নিদ্রুটি ।
কালপেঁচা, বাদুড়, শৃগাল
জাগে শূধু সে-তিমিরে ; প্রাগ্রসর রক্তিম মশাল
অমাকে আবিলা করে ; একচক্ষু ছায়া,
দীপ্ত-নখ, স্ফীত-নাসা, নিরিন্দ্রিয় বৈদ্যুতিক কায়া
চতুর্দিকে চক্রব্যূহ বাঁধে ।
অপমৃত বিধাতার লগ্নভ্রষ্ট প্রেত যেন কাঁদে
নিষেধের বহিঃপ্রান্তে কোথা ॥

ওরা কার হোতা ?
পদধ্বনি—কার পদধ্বনি
হানে মোনে অনন্দনাদ ? আগমনী—
কার আগমনী আজ আনে আচম্বিতে
অতিশ্রুতি, অশ্রায় প্রত্যাশিত আকাশবাণীতে ?
বিকল্পিতবে কি নিশ্চয় ?
যে-পশুবলের কাছে হার মেনে তুমি মৃত্যুঞ্জয়,
এ-বারে কি তার উজ্জীবন ?
অন্তর্ভোম সমর্ধিতে ছিল সঙ্গোপন
যে-মিশরী শব,
তুমি নও, আসে কি সে-অর্ধপশু, অর্ধেক মানব
সঙ্গে করে দিগ্বিজয়ী মরু ?
পদ্রাগ পদ্রুষ হত : বাজে বন্ধে আতির ডমরু ॥

২৬ অক্টোবর ১৯৩৮

জেসন্

বহু কষ্টে শিখেছি সাঁতার ;
অন্তত স্রোতের সঙ্গে ভেসে যাওয়া শক্ত নয় আর ।
নদীতেও নানা বাঁক আছে ;
সেগলোর কোনোটাতে ঠেকে গিয়ে বাঁচে
এমন লোকেও যারা সাঁতারের স-টুকু জানে না ।
সমুদ্র তো তাদের টানে না ।
শরে বা শৈবালে
কিম্বা মৎস্যনারীদের সবুজ চুলের উর্গাজালে
জড়ায় না তারা কানা মাছির মতন ॥

বরণ ঘর্নির্গর উন্মথন
তাদের নিষ্ক্ষেপ করে শরণসৈকতে ।
বিষম ঝৈরথে
জাগ্রত দৈত্যকে মেরে অর্ধরাজ্য রাজকন্যাসহ
তারাই কুড়িয়ে পায় ; প্ররোহী আবহ
বাড়ায় তাদের বংশ ; অবশেষে ঘর্মিয়ে এখানে
স্বর্গের স্মাগত শোনে সচকিত কানে ॥

আমগ্ন তরণী ছেড়ে ঝাঁপাতে পারি না তবু জলে ।
বিফল কোঁশলে
ভাঙা হাল ধরে থাকি ; ছেঁড়া পাল সযত্নে খাটাই ;
লুপ্তপ্রায় মানচিত্রে চাই ।
ভুলে যাই একা আমি ; সঙ্গে ছিল যারা,
প্রলুদ্ধ বন্দরে কিম্বা পথকষ্টে আজ আত্মহারা,
কে কোথায় প'ড়ে আছে, জানি না ঠিকানা ।
শূন্য মনে ভূতে দেয় হানা ;
প্রকীর্তির ছায়াছবি নিরাশ্রয় চোখে ফুটে ওঠে ॥

ফের এসে জোটে

উচ্ছল অর্ণবপোতে স্বদেশের শ্রেষ্ঠ বীর যত ;

গর্দীক্ষা, বাহুবল, সহায় দৈবত

তরায় সমূহ বিঘ্ন, নিরুদ্ধেশে গন্তব্য চেনায় ।

পুনরায়

স্বয়ংবরা পণ্ড করে মায়াবীর চক্রান্ত, চাতুরী ;

হাহাকারে ভরে রাজপুরী

তার উগ্র রিবংসায় ; অভিসারী ঝড়ে

সবিতার বলি লুটে, পলাতক তরীতে সে চড়ে ॥

স্বৈরিণীর অনুকম্পা চোকেনি তাতেও ।

অযাচিত সন্তানে সে দিয়েছিল আমাকে পাথের ;

অপহৃত উত্তরাধিকার,

আমি নয়, সেই নিজে করেছিল নির্দয়ে উদ্ধার ।

তবু তার গর্ভীর মায়ায়

পারিনি তলিয়ে যেতে ; কৃষ্ণপক্ষু চোখের ছায়ায়

সিন্ধুর উষর জ্বালা চাইনি জুড়োতে ।

বিপরীত স্রোতে

সর্বনাশ নিশ্চিত জেনেও,

ভুলিনি শান্তির চেয়ে স্বধর্মই শ্রেয় ॥

► ফলত নিরবলম্ব, নিঃসন্তান, নিঃস্ব আজ আমি ;

অন্তর্য়ামী

সাধ ও সাধের ভেদ গোলায় কেবলই ।

ঘটে অন্তর্জালি

শতচ্ছিন্ন তরণীতে ; কিন্তু ভাবি অকূল পাথারে

স্বচ্ছায় চলেছি ছুটে ; বস্তুত জোয়ারে

ততটাই ফিরে আসি, যতখানি এগোই ভাঁটাতে ।
অপ্সরীরা ব'সে আঘাটাতে
নিশ্চেষ্ট কোঁতুক দেখে ; স্তম্ভপাথা
সাগরবলাকা
অধীর চিৎকার হানে সন্ধ্যার আকাশে ॥

তবে কী বিশ্বাসে
ভাঙা হাল ধ'রে থাকি, ছেঁড়া পাল সযত্নে খাটাই,
ল'প্তপ্রায় মানচিত্রে চাই,
মনে ভাবি
এ-কখানা জীর্ণ কাঠে অস্মিতার অসম্ভব দাবি
আবার প্রতিষ্ঠা পাবে সম্প্রসিক্তপারে ?
তার চেয়ে নিঃশঙ্ক সাঁতারে
ব্যয় ক'রে নিঃশ্বাসের অস্তিম সঞ্চার,
অগাধে সঙ্কল্পসিদ্ধি একাধারে নিশ্চিত, নিশ্চয় ॥

স্বপ্ন আজ ব্যর্থ বিড়ম্বনা ;
জরাবিগলিত দেহে আত্মঘ্ন যন্ত্রণা
বিজিগীষা ।
যে-প্রাক্তন তৃষা
মেটাতে পারেনি সিক্ত, হয়তো বা নির্বাণ হবে তা
জোয়ার-ভাঁটার সিক্ত নদীবক্ষে, যেথা
মুকুরিত মহাশূন্য, সমুদ্রের পিতা ও প্রতীক,
দুরত্যয়, স্বস্থ, প্রগতিক ॥

৩ ফেব্রুয়ারি ১৯৩৯

সংক্রাম

তোমার আমার মাঝে বিরহের বাহিনী বহে না ;
কবিতাপ্রভব ক্রৌঞ্চ আমাদের উপমান নয় ;
সম্প্রতি সঙ্গমে আর ভূষণেরও ব্যাধি রহে না ;
বিশ্রস্তের ব্যাকরণ নিরব্যয়, আদ্যন্ত সান্বয় ॥

অনাথ বিশ্বের ধ্বংসে মরুভূর নিত্য সমভাব ;
অবিবেকী অন্তর্যামী ; স্ত্রী-পুরুষ অন্যান্যনির্ভর ;
নিতান্ত পশেনি আজও যে-নৈমিষে পিশাচী প্রভাব,
সেথাও অনন্য সিদ্ধি উর্ধ্বশ্বাস প্রেমসীর বর ॥

তবুও নিশ্চয় জানি ওমরের তত্ত্ব নিরর্থক ।—
মানুষ ক্ষীণায়ু, কিন্তু চিরস্থায়ী অবদান তার :
প্রস্তরিত পদচিহ্নে ধরা পড়ে উধাও নর্তক ;
নিবিদ মর্মে জ্বলে অঙ্গারিত আদিম কান্তার ॥

স্পর্শ, দৃষ্টি ত্রিভুবন ব্যাজজীবী কালের কবলে :
পলায়ন শশবৃত্তি ; লুপ্ত, গুপ্ত পরিহাস, শ্লেষ ;
সে-উন্মিদ্ধ ত্রি লোচনে ভেদ নাই ধবলে শবলে ;
অনুজের গলগ্রহ অগ্রজের নিভৃত আশ্লেষ ॥

তাই কি বিচ্ছেদ ঘটে বারংবার বাহুর নিবীতে ;
• প্রিয়সন্তাষের ফাঁকে শোনা যায় দূর আত্ননাদ ;
সঙ্কুচিত নিরালয় অবরোধ করে চারি ভিতে ;
আবহে বিষাক্ত বাষ্প ; সংক্রমিত স্বয়ং কণাদ ?

২৪ ফেব্রুয়ারি ১৯৩৯

কাস্তে

আকাশে উঠেছে কাস্তের মতো চাঁদ,
এ-যুগের চাঁদ কাস্তে ।
ছায়াপথে কোন্ অশরীরী উন্মাদ
লুকাল আসতে আসতে ?
ক্ষীত ধমনীতে ঘোরে অনামিক শঙ্কা ;
হৃদয়ারণ্যে বাজে বর্বর ডঙ্কা ;
ছাই হয়ে গেছে প্রতীকী স্বর্ণলঙ্কা
নির্বাণ সূর্যাস্তে ।
হঠাৎ হাওয়ায় হাতুড়ির প্রতিবাদ :
এ-যুগের চাঁদ কাস্তে ॥

আকাশে উঠেছে কাস্তের মতো চাঁদ,
এ-যুগের চাঁদ কাস্তে ।
বিপ্রলঙ্ক প্রেতের আর্তনাদ
মানা করে ভালোবাসতে ।
সঙ্গমে মিছে খুঁজে মরি নিরাপত্তা ;
ক্রমায়াত ঋণে ন্যস্ত আমার সত্তা ;
আসে সে-বেতাল, তুমি যার বাগ্দত্তা,
দান্তিল হাসি হাসতে ।
চৈতী ফসলে শাটিত শবের স্বাদ :
এ-যুগের চাঁদ কাস্তে ॥

আকাশে উঠেছে কাস্তুর মতো চাঁদ,
এ-যুগের চাঁদ কাস্তে ।
নিষ্প্রতিকার ধৈর্যের পাকা বাঁধ
বাধা দেয় বানে ভাসতে ।
আমাদের জ্ঞান আপ্তবাণীর ভাষ্যে ;
শান্তি জীবন্মৃত্যুর ঔদাস্যে ;
স্বার্থসিদ্ধি সাক্ষীর স্মিত আস্যে
উজ্জ্বল ঠাসতে ঠাসতে ।
বিকল প্রেমিক আমাদের প্রভুপাদ :
এ-যুগের চাঁদ কাস্তে ॥

আকাশে উঠেছে কাস্তুর মতো চাঁদ
এ-যুগের চাঁদ কাস্তে ।
কল্পাস্তুর অনিকাম অবসাদ
ব্যাপ্ত স্বাস্থ্যাস্বাস্থ্যে ।
শঙ্কর ক্ষীরোদসাগরে মগ্ন বিষ্ণু ;
নরপিশাচেরা পৃথিবীতে আজ জিষ্ণু ;
চিনেও চেনে না স্বালম্বী অসহিষ্ণু
সমবায়ী অপরাস্তে ।
খন্ডাবে কবে অমৃতের অপরাধ
কালপুরুষের কাস্তে ?

•
১১ মে ১৯৩৯

জাতক (১)

উন্মত্ত আকাশে শূনি চমৎকৃত চিলের চিৎকার ;
দিগন্তবিস্তৃত মাঠে ডেকে ওঠে শিকারী নকুল ;
গদ্যপু ছত্রকের ফুলে সমাচ্ছন্ন শোষিত বকুল ;
উদ্‌গ্রীব ঝাবুকে জাগে থেকে থেকে সতর্ক শীৎকার ॥

অপমৃত ভগবান ; অস্ত্রাচলে রক্তাক্ত অঙ্গার ;
অরাজক চরাচরে প্রহ্ল প্রতিহিংসার প্রতুল :
অতিদৈব বিবর্তনে মনুষ্যই যেহেতু অতুল,
তাই সে আত্মহা আজ, তার ধর্ম আত্মীয়সংহার ॥

অভিসার, অভিযান এ-আবহে নিতান্ত সমান :
স্বসমুখ বিসংবাদ : কুরুক্ষেত্রে অগত্যা সঙ্কেত ;
এখানে আতের লোভ শিবাভুক্ত শবের আয়ুধে ॥

অর্ধনারীশ্বর নয়, স্ত্রী-পুরুষ দ্বন্দ্ব ম্লিয়মাণ :
মিথুন নিমিত্তমাত্র, কর্মকর্তা প্রতিযোগী প্রেত :
তুমি, আমি সর্বস্বান্ত পৈশাচিক ঋণ শূধে শূধে ॥

২২ জানুয়ারি ১৯৪০

জাতক (২)

অথবা পিশাচ স্নেহ গন্ধ ইতিহাসের খাতক ;
এবং সে-ইতিহাস নিত্য তথা বিকল্পস্বরূপ ।
ফলত যদিচ তাকে পদে পদে লাগে অপরাধ,
তবু তা প্রকৃতপক্ষে পরিণামী প্রাক্তন পাতক ॥

অর্থাৎ কৈবল্য স্বপ্ন : জন্ম-মৃত্যু অন্যান্যবাধক ;
অনুবন্ধী শাস্তি-শাস্তি ; একান্তর উল্কা ও খড়্গ ;
নরকের প্রতি কীট বৈভাষিক স্বর্গের মধুপ :
পুণ্যদ্বারা পরকীয় দায়িত্বের সংক্রান্তিসাধক ॥

কারণ বিচারক্ষম নয় অন্ধ, অনাথ নিয়তি :
তার অস্থ তুষ্টি-রুষ্টি যন্ত্রবৎ সমানুপাতিক .
প্রতিনিধি প্রায়শ্চিত্ত পুরস্কৃত গচ্ছিত ভূষণে ॥

সুতরাং নির্বন্ধ ও নির্বন্ধের বিপবীত রতি :
বরণ দ্বৈরথ ভালো, গুপ্তহত্যা শূন্য সাংঘাতিক :
আমাদের সার্থকতা জাতকের ব্যর্থ বিদূষণে ॥

২২ মে ১৯৪০

সংবর্ত

এখনও বৃষ্টির দিনে মনে পড়ে তাকে ।
প্রাদেশিক শ্যামলিমা যেই পাংশু সাধারণ্যে ঢাকে,
অমনই সে আসে,
রেখারিঙ্ত ভাবছবি, অবচ্ছিন্ন স্মৃতির উদ্ভাসে
লাক্ষণিক,—নেত্রসার, কপোলপ্রধান
প্রাক্-প্রচ্ছদ নটী যেন । সঙ্গে সঙ্গে ঘোচে ব্যবধান
দৃশ্য ও দৃষ্টার মধ্যে : ভুলে যাই
উত্তরচল্লিশ আমি ; উদ্-গ্রীব হয়েও যদি চাই,
তব্দ গলকম্বলের থর
মুকুরের অধিকাংশ জোড়ে ; নতোদর
লুকায় পায়ের ডগা অধোমুখে ক্বিচিৎ তাকালে ;
স্থানবিনিময় করে চাঁদিতে কপালে,
চুলের প্রলেপ ওড়ে নামমাত্র বাতাসে যখন ।
বীমাই জীবন
বুঝি বটে, কিন্তু ঠিক মাসে মাসে কিস্তির যোগান
দিতে গিয়ে বাজারখরচে পড়ে টান ।
অথচ ডাক্তারে বলে তন্তুক্ষয়
এ-বয়সে নিতান্ত নিশ্চয় ;
পূর্নষ্টকর পথ্য বিনা অতএব গত্যান্তর নেই ;
এবং যেকালে আজও রয়েছি বেঁচেই,
তখন কী করে মরি, মোঁরসের উচ্ছেদ না হোক,
অস্তত চৌধুরীদের ভদ্রাসনক্রোক্
স্বচক্ষে না-দেখে :
তাতে যদি দুলালেরা নয়তা বা কাণ্ডজ্ঞান শেখে ॥

বৃষ্টির বিবিক্ত দিনে ভুলি সে-সকলই ;
 এ-বাড়ির অন্দমিত গলি
 মনে হয় অগ্রণীর পদপ্রার্থী পথ,
 যার প্রান্তে মৃদ্বিত জগৎ
 স্মৃতির প্রতীক্ষা করে ।
 তখন থাকে না মনে—দিগন্তরে
 উচ্ছ্রষ্ট উজ্জের বাটোয়ারা,
 হিংসার প্রমারা,
 স্তম্ভিত মারীর বীজ শস্যশূন্য মাঠে ;
 চড়ে বসে নিহত বা নির্বাসিত স্বেয়ীদের পাটে
 প্রতিদ্বন্দ্বী সর্বসর্বা যত ; নিরর্থক
 পদ্যার একর্ষি নাম, অসূয়ের পুরাণ বলক
 হিরণ্ময় পাত্র ঠেলে ফেলে,
 দেয় মেলে
 অন্ধতম অতিপ্রজ বন্মীকে বন্মীকে :
 বিমানের ব্যহ চতুর্দিকে,
 মাতরিশ্বা পরিভূ কবির কণ্ঠশ্বাস ।
 মূল্যহাস
 সর্বত্র সর্বথা
 আবশ্যিক,—বোঝে না সে-সোজা কথা
 শূন্য যার ভূসম্পত্তি আছে ;
 উদয়ান্ত ভেবে মরি,—খেয়ে প'রে নেহাৎ যা বাঁচে,
 নিভয়ে তা খাটাতে পারি না ।
 অথচ প্রত্যহ শূনি চার্চিলের স্বেচ্ছাচার বিনা
 অসাধ্য সাম্রাজ্যরক্ষা, অব্যর্থ প্রলয়,
 এবং যে-ব্যক্তিস্বত্ব সভ্যতার সম্মত আশ্রয়,
 তারও অব্যাহতি নেই অপঘাত থেকে :
 একা হিট্‌লারের নিন্দা সাধে আজ বাধে কি বিবেকে ?

কিস্তি তার দিব্য আবভাবে
 প্রেতাত্ত অভাবে
 জাগে যেন প্রজ্ঞাপারমিতার অভয় ;
 ক্রেদ-মেদ-খেদের আলয়—
 জঘন্য জাস্তব দেহে দেশ-কাল-সঙ্কলিত মল
 সংস্কৃত থাকে না আর ; তন্মাত্রাসম্বল
 হয় তনু আচম্বিতে ।
 নির্বিকার স্বপ্নের নিভূতে,
 বিয়োগান্ত নাটকের উদ্যোগী নায়ক, আমি পাতি
 যৌবরাজ্য,—ব্যোমযান, কামান, পদাতি
 যে-রাষ্ট্রের অঙ্গ নয় ; ন্যায়, ক্ষমা, মিতালি, মনীষা
 যার মূখ্য অবলম্ব, জিজীবিষা
 সামান্য লক্ষণ ;
 স্থাপদসঙ্কুল নয় যেখানে কানন,
 দুরাক্রম্য নয় গিরিচূড়া,
 পরিস্রুতসূরা
 নিদাঘের অফুরন্ত দিন,
 সুবর্ণধারার শঙ্কশ্যামল পর্দলিন
 উৎপিঞ্জর তারুণ্যের লাস্যময় লীলায় মূখর,
 গন্ধবহসম্মার্জিত স্বরাট্ অম্বর
 দেয় ফিরে
 অবরোহী সঙ্খ্যার শিশিরে
 অনূপূর্ব মানুষের অভূদিত চিত্তের প্রসাদ ;
 জয়যুক্ত স্ট্রেসেমান্-ব্রিয়ঁর সংবাদ ॥

হয়তো তখনই
 উপশয়ী সংবর্তের আড়ালে অশনি
 লেলিহান করবালে ধার দিতে শুরু করেছিল।
 প্রবাদের ধূয়ো ধরেছিল
 তৎপূর্বে অস্তিত
 মূসোলীনি যুদ্ধগামী বর্বরের মতো ;
 এবং উদ্বাস্তু ট্রটস্কি ইতিমধ্যে দেশে দেশান্তরে
 ঘুরে মরেছিল, পুরাকালীন শহরে
 গলঘণ্ট কুষ্ঠরোগী যত দ্বার সব বন্ধ দেখে,
 যেমন নির্জনে যেত ভিক্ষাব্যতিরেকে।
 কিন্তু তার
 বদ্র কেশে অস্তিত সবিতার উত্তরাধিকার,
 সংহত শরীরে
 দ্রাক্ষার সিতাংশু কান্তি, নীলাঞ্জন চোখের গভীরে
 তাচ্ছিল্যের দামিনীবিলাস ;
 গ্যেটে, হ্যেল্ডার্লিন্, রিস্ক, টমাস্ মানের উপন্যাস
 দেওয়ালের খোঁপে খোঁপে, বাখের সনাটা
 ক্লাভিয়েরে, শতায়ু ওকের পাটা
 তেজস্ক্রিয় উৎকোণ পটলে ;
 বায়ব্য অণ্ডলে
 রক্ষিত মঙ্গলদীপ, অনাদি নগরী
 মালা জপে, কাটায় শব্দরী
 স্বপ্নাবিষ্ট সভ্যতার নিশ্চিন্ত শিয়রে।—
 • লেগেছিল হাস্যকর স্বভাবত সে-সবের পরে
 কুর্টগার থেকে দেখা স্বস্তিকলাঙ্ঘন
 বালখিল্য নাট্যীদের সমস্বর নামসংকীর্তন
 মশালের ধূমাত আলোকে :
 বরণ বৃষ্টির দিনে শুক্লশোকে
 নির্বাক বিদায়
 স্মরণীয় স্বস্থ মর্ষাদায় ॥

অবশ্য ব্দঝোছি আজ এ-সিদ্ধান্ত নিতান্তই মেকী;
 কারণ অন্বয়ব্যতিরেকী
 সত্য-মিথ্যা, ভালো-মন্দ, সুন্দর-কুৎসিত,
 এবং সে-নিত্যবিপরীত
 দ্বন্দ্বসমাসের সঙ্গে তুলনীয় মেরুবিপর্যয়
 বিকল্পস্বভাব ক্ষেত্রে । নিঃসংশয়
 উপরন্তু এও
 বিশ্বামিত্র দস্যুরাই ব্যক্তি নামধেয়
 যদিচ প্রাজ্ঞের মতে, তবু ব্যষ্টিসংকল্পের ঝোঁকে
 প্রাগুক্ত দোলকে
 কখনো বিলম্ব ঘটে, কদাচিৎ দ্রুতি ।
 তবে কেন ভোলে প্রতিশ্রুতি ?
 বারোটা উত্তীর্ণ, কিন্তু টেলিফোন করে কই লীলা ?
 অথচ রঙ্গিলা
 নয় সে দীপ্তির মতো ; অন্তত সে জানে
 সমাজের ঘুম নেই, শ্রুতি আছে দেওয়ালের কানে ;
 গোপন সুযোগ
 নিতান্ত দুর্লভ তাই, উপভোগ
 পরিণামচিন্তায় ব্যাহত ।
 তাহলে কি অসময়ে ফিরেছে প্রমথ
 নিন্দুকের প্রেরণায় ? এত দিনে সফল নতুবা
 সে-বাচাল যুবা
 যার পেশা কৃতীর সম্ভ্রমহানি ?
 ইচ্ছার সামর্থ্য নেই মানি ;
 তথাপি টাকার আঞ্জা প্রলয়েও লঙ্ঘনীয় নয় :
 বন্ধকীর নিলামে বিক্রয়
 মারোয়াড়ীদের গ্রাসে তুলে দেয় বাঙালীর দায় ।
 সুতরাং যে মাঝারীবয়সীকে চায়,
 সে নিশ্চয় প্রকৃতিভিখারী,
 নচেৎ বিকারী ॥

বৃথা স্বপ্ন ; সংকল্প অক্ষম ;

মতিভ্রম

বৃষ্টির বিবিক্ত দিনে অসংলগ্ন স্মৃতির সংগ্রহে

কিম্বা শূন্য মৌখিক বিদ্রোহে

নিঃসঙ্গ জরার আর্তি ভোলার প্রয়াস ।

কিন্তু মানবেতিহাসে মাঝে মাঝে আসে মলমাস,

কর্মচ্যুত পৃথিবী যখন

উন্মার্গ ঘূমের ঘোরে, নাক্ষত্রিক সহযাত্রীগণ

সে-অপচারীকে ভুলে, ছোটে লোকাতীতে ;

নির্বাণ নিশীথে

কারারুদ্ধ আয়ুর মিয়াদ,

রোমস্থ বিস্বাদ,

বিষায়িত ভবিষ্যের ধ্যান,

অভিজ্ঞান

শকুন্তের স্পর্শকলুষিত ।

প্রমাবিরহিত

অন্ধ বিশ্বাসের বশে তখন মানুষ খোঁজে ফের

অশক্ত বা অসম্পৃক্ত অধিদেবতের

পুরাতন পদপ্রান্তে সঙ্গতি বা পৈতৃক অমিয়,

কার্যত যদিও

ঐকান্তিক শূন্য তাকে করে বিশ্বম্ভর ;

কারণ তখন বায়ু, অনিলে মেশে না, অবস্কর

ভস্মান্ত হয় না, অনুব্যবসায়ী ক্রতু

বোঝে সস্তাপেও ব্যাপ্ত ব্রহ্মাণ্ডের বীতান্বিত বেপথু ।

অস্তহিত আজ অস্তর্যামী :

রুশের রহসে 'লুপ্ত লেনিনের মামি,

হাতুড়িনির্পিষ্ট ট্রট্‌স্কি, হিট্‌লারের সূহৃদ স্টালিন্,

মৃত স্পেন্, স্থিয়মাণ চীন,

কবন্ধ ফরাসীদেশ । সে এখনও বেঁচে আছে কি না,

তা সন্দেহ জানি না ॥

৬ সেপ্টেম্বর ১৯৪০

বিপ্রলাপ

হয়তো ঈশ্বর নেই; স্বেৰ সৃষ্টি আজন্ম অনাথ;
কালের অব্যক্ত বৃদ্ধি শৃঙ্খলার অভিব্যক্ত হ্রাসে;
বিয়োগান্ত ত্রিভুবন বিবিক্তির বোমারু বিলাসে,
জঙ্গমের সহবাসে বৈকল্যের দঃস্থ সন্নিপাত ॥

প্রবৃ্ত্তির অবিচ্ছেদে তবু নেই পূর্ব বা পশ্চাৎ;
বিজ্ঞানের বিবর্তন প্রপঞ্চের নিত্য অনুপ্রাসে;
প্রতিসম বৈপরীত্য সম্পর্কের দূর্মর প্রকাশে;
শক্তির অব্যয়ীভাবে তুল্যমূল্য ঘাত-প্রতিঘাত ॥

তাই আত্ম প্রার্থনার অপভ্রষ্ট আকাশদহিতা
নাস্তিপ্রত্যাখ্যাত হয়ে, ফেরে গঢ় দৈববাণী-রূপে;
বৃষ্টি দঃখ আবশ্যিক, দূরদৃষ্টে দোষার্ণব বৃথা,
করে প্রতিবিস্মপাত বৈকল্পিক মূর্ত্তি অন্ধকূপে ॥

অচিরাৎ বিপ্রলাপে ডুবে মরে স্বগত সস্তাপ :
আমার শাস্তিতে, মানি, ক্ষান্ত তার অবরোহী পাপ ॥

২২ অগাস্ট ১৯৪১

কণ্ঠকী

নাটকী নায়ক-রূপে আজীবন দেখেছি নিজেকে ;
ভেবেছি আমার সঙ্গে অদৃষ্টের দ্বৈরথসমর :
মর্ত্যের প্রতিভূ আমি, প্রতিপক্ষ সন্দ্রস্ত অমর,
কাজেই নিস্তার নেই পরিণামী সর্বনাশ থেকে ;

তবু যবনিকাপাত দেবে গ্লান পরাজয় ঢেকে ;
প্রতিলোম অভিযানে লোকযাত্রা হবে অগ্রসর,
আমাকে হৃৎপদ্মে ধরে ; ব্যর্থ বীর্যে যিশুর দোসর,
আমি যাব আত্মোপম্য সমাহিত সন্ততিতে রেখে ॥

উপস্থিত পণ্ডমাঙ্ক : প্রাক্‌নির্বাণ দীপের উদ্ভাসে
সমবেত পাত্র-পাত্রী করে স্ব স্ব বিধিলিপিপাঠ ;
নেপথ্যে আমার স্থান ; অন্ধকারে অধিকারী হাসে ;
সে রঙ্গরসিক বলে, আমি ভ্রান্তিবিলাসে সঘ্রাট ॥

কদাচ দৈবাৎ যদি বাস্তবিক ভূমিকায়ও ঢুকি,
কামাখ্যার ষড়যন্ত্রে সাজি তবে ঘুমন্ত কণ্ঠকী ॥

২৬ সেপ্টেম্বর ১৯৪১

সোহংবাদ

নিখিল নাস্তির মোঁনে সোহংবাদ করেছি ধর্নিত :
বলেছি আমি সে-আত্মা, যে উত্তীর্ণ দূরান্ত তারায়
উধাও মনের আগে ; মাতরিশ্বা নিয়ত ধারায়
ফলায় যে-কর্মফল, তা আমারই ব্ৰহ্মজানিত ;

যেহেতু প্রশয়ী আমি, তাই আজও নয় অপনীত
হিরণ্ময় পাত্র, তথা দূর্নিরীক্ষ্য পুষ্কার কারায়
স্বরাত্ স্বরূপ লুপ্ত ; দেশ-কাল আমাতে হারায়,
অথচ অন্বিষ্ট তীর্থে, পলে পলে আমি অগণিত ॥

অতিক্রান্ত সঙ্কলগ্ন : শূন্য দৃষ্টি স্বেতই স্বেগত ;
অসহায় অন্ধকারে কিন্তু কোথা আত্মপরিচয় ?
গচ্ছিত জাড্যের ভারে অনিকাম জঙ্গমজগৎও ;
জঘন্য চক্রান্তে লিপ্ত অতীন্দ্রিয় ভাবনানিচয় ॥

ক্ষেত্রনিরপেক্ষ প্রমা প্রতিকারী প্রমাদের গুণে ;
সংক্ষিপ্ত চেষ্টাই রটে অপৌরুষ বিবর্তের দূনে ॥

২৬ এপ্রিল ১৯৪৫

তুমি বলেছিলে, জয় হবে, জয় হবে :
 নাট্‌সী পিশাচও অবিনশ্বর নয় ।
 জার্মানি আজ ম্লিয়মাণ পরাভবে ;
 পশ্চিমে নাকি আগত অরুণোদয় !
 অন্তত রুশবাহিনী বন্যাবেগে
 কবলিত করে শোষিত দেশের মাটি ;
 বিভীষণদের উচ্ছেদে ওঠে জেগে
 স্বাধীন প্যারিস্, যথারীতি পরিপাটী ;
 এ-বারে সমরে, শান্তিতে সহযোগী
 মার্কিন্ ঢালে সমানে শোণিত, টাকা ;
 ধনিক যুগের প্রধান ভুক্তভোগী
 ইংলন্ডেই সমাজতন্ত্র পাকা ॥

অবশ্য চীনে নেতারা স্বার্থপর,
 সর্বথা জনশক্তির বাধ সাধে ;
 স্থগিত ভারতে আপ্ত কালান্তর,
 জিন্মা যেহেতু বিমুখ গান্ধিবাদে ।
 তাছাড়া আবার রক্ষকে ভক্ষকে
 ভেদ ভোলে স্বচ্ছন্দ বেল্‌জিয়ামে ;
 ইটালীর প্রতিবিপ্লবী পক্ষকে
 সম্মুখে রেখে, দ্বাতারা তারণে নামে ।
 তথাচ গ্রীসের ট্রট্‌স্কীয় বামাচারী
 বিনষ্ট চার্চিলের বাক্যবাণে ;
 ধরে তুরস্ক বিশ্রুত তরবারি ;
 আর্জেন্টিনা প্রগতির রথ টানে ॥

সত্য কি তবে সে-দিন তোমার মুখে
ভর করেছিল দরুহ দৈববাণী?
ভ্রয়োদর্শনে ঢাকি অতিবস্তুকে,
তাই আমাদের অনুভবে শূন্য হানি?
হয়তো অমৃত ব্যর্থ মৃত্যু বিনা,
পাপ পুণ্যের মুকুরিত প্রতিরূপ,
ক্লীবের মারণ ভীষ্মের দক্ষিণা,
মুক্তির উৎপত্তি অন্ধকূপ,
ভূতের অগাধে নিহিত ভবিষ্যৎ,
অন্যায় আনে আস্থা ন্যায়ের প্রতি,
শত্রুনিপাত মহামৈত্রীর পথ,
পরিশ্রমীর স্বধর্মের সদগতি ॥

৪

কিন্তু জীবন এতই বিকল কি যে
কেবল মরণে প্রমার সম্ভাবনা?
প্রাণধারণের যে-দৃষ্টান্ত নিজে
রেখে গেছ, তা কি অন্ধ প্রবণতা?
ক্ষমা, অহিংসা, মনীষা, বিবেকী দ্বিধা,
অত্যাচারের সঙ্গে অসহযোগ,
অসম্পৃক্ত ইণ্টের সদাভিধা,
বিচারে বিশ্বমানবের বিনিয়োগ—
এ-সকলে আজ তুমি কি নিরুৎসাহ,
বুঝেছ সাধুর শাঠ্যেই মজে শঠ?
রাইনে জুড়ায় বাসেলোনার দাহ,
স্পেনে নিষিদ্ধ যদিও ধর্মঘট!

অতএব হোক আহ্লাদে আটখানা
 বৃন্দাপেশ্বের ধ্বংসে হিসাবী চেক্ :
 কার্যকারণে ধার্ষ বিমানহানা,
 ভাষণাও দ্রেস্‌দেনের পূর্বলেখ ।
 সমিতি বসুক লন্ডনে লর্দিনে,
 যে যাবে, সে যাক স্মান্‌ফ্রান্‌সিস্কেতে,
 মিথ্যা মানুক আতেরা দুর্দিনে :
 কর্মের ফল ফলবেই জোতে জোতে ।
 আজও নিমিত্তমাত্র সব্যসাচী ;
 মমতা অচল সাধারণ শুদ্ধিতে ।
 কৃপা খুঁজে মরে মোহজালে কানামাছি ;
 ব্যাহত বিধাতা ব্যক্তির বুদ্ধিতে ॥

৬

, তবু জানি যবে জয় হবে বলেছিলে,
 চাওনি তখন তুমিও এ-পরিণাম :
 শূন্যে ঠেকেছে লাভে লোকসানে মিলে,
 ক্রান্তির মতো শাস্তিও অনিকাম ।
 এরই আয়োজন অর্ধশতক ধরে,
 দু-দুটো যুদ্ধে, একাধিক বিপ্লবে ;
 কোটি কোটি শব পচে অগভীর গোরে,
 মেদিনী মূখর একনায়কের স্তবে !
 নির্বাণ নভে গৃধু রাহুর গ্রাস ;
 তুমি অনিকেত নির্বাক নাস্তিতে :
 কে জবাব দেবে, নিখিল সর্বনাশ
 কোন্ অবরোহী পাতকের শাস্তিতে ?

১০ এপ্রিল ১৯৪৫

৪৪

যযাতি

উত্তরীর্ণ পণ্ডাশ : বনবাস প্রাচ্য প্রাজ্ঞদের মতে
অতঃপর অনিবারণীয়; এবং বিজ্ঞানবলে
পশ্চিম যদিও আয়রু সামান্য সীমা বাড়িয়েছে
ইদানীং, তবু সেখানেই মৃত্যুভয় যৌবনের
প্রভু, বার্ধক্যের আত্মাপহারক। আশ্রুত তারক
অন্যত্রও অনাগত; জাতিভেদে বিবিধ মানুস;
নিরঙ্কুশ একমাত্র একনায়কেরা। কিন্তু তারা
প্রাচীর, পরিখা, রক্ষী, গুপ্তচর ঘেরা প্রাসাদেও
উন্মিদ্ধ যেহেতু। তাই ভগ্ন সেতু নদীতে নদীতে,
মরু নগরে নগরে। পক্ষান্তবে অতিবেল কারা
তথা সংক্রমিত মেরু ব্যক্তির ধ্বংসাবশেষে: দ্বেষে
পদুর্ট চীন থেকে পেরু; প্রতিহিংসা মানে না সিন্ধুর
মানা। নৈশ হানা, আত্মঘাতী অঙ্গীকার, বিচারের
সম্মত বিকার বা স্বস্থ ধিক্কার এড়িয়ে যে যায়
ভাগ্যগুণে, চোখে চোখে রাখে তাকে অদৃশ্য শকুনে
প্রবাসেও অহরহ : যথাকালে অমৃতের দায়
দাশ্রু সন্তুতিকে সপ্নে, অস্তিম শয্যায় নিকামত
পারে না আশ্রয় নিতে; উষর ধূলিতে নিষ্পিষ্ট সে,
ইতিহাসনিষ্ক্রান্তও বটে। অর্থাৎ কৃতান্ত আজ
ব্যক্ত সর্ব ঘটে; এবং, প্রোড়ের কেন, সকলেরই
কর্তব্য যেমন অরণ্যে রোদন, তেমনই সম্প্রতি
সাধ্য লোকালয়ে সে-বৃথা বিলাপ ॥

অবশ্য আমার

পক্ষে সঙ্গত যে নয় অনুতাপ, সে-কথা স্বীকার
করি; কারণ যদিচ মগ্ন শৈলে আমার মাতাল
নৌকা বানচাল হয়ে, বর্তমানে বিশ্লিষ্ট কঙ্কাল—
অপ্রাপ্তসংকার শব প'চে প'চে অস্থিসার যেন—
তথাপি যেকালে নিরুদ্দেশ যাত্রার সংজ্ঞায় হেন

দূরবস্থা শুধু সম্ভাব্যই নয়, অবশ্যম্ভাবীও
 বটে, অশোভন তখন নির্বেদ। তাছাড়া স্বকীয়
 সিদ্ধি প্রার্থনীয় নয় সূত্রধার গণেশের কাছে
 অকূল পাথারে অযাচিত সাম্রাজ্য একদা বাচে
 যারা জিতেছিল, অন্তত তাদের অনন্য সম্বল
 ছিল প্রাণপাত পৌরুষ এবং রুদ্র কৌতূহল
 নিতান্ত নিরুপলক্ষ। তরল অনলে পরিণত
 ঝলমল জল; গলিত অম্বরতল; অনুগত
 দিম্বধুর আঁখি ছলছল কষ্টকল্পনায়; মেঘে
 অন্তর্হিত চূড়া, পদান্ত উর্মির মূখর উদ্বেগে
 প্রতিষ্ঠিত অস্তগিরি, ইত্যাদি বিবাদী লক্ষণের
 অলৌকিক নির্বিরোধ তথা সে-সমন্বয়ের জের
 স্মিত বিদেশিনীর অভয়ে, এবং সোনার তরী
 তাদের ডাকেনি অজানার অভিসারে। হিংস্র অরি
 বন্দরে বন্দরে, অবিশ্বাস্য অনুচর, অবহেলা
 চরমে নিশ্চিত জেনেই বেরিয়েছিল তারা ॥

ভেলা

আমি ভাসিয়েছিলুম একদা তাদেরই মতো, আজ
 এটুকুই আমার পরম পরিচয়। আমাকেও
 লক্ষ্যভেদী নিষাদের উল্বেগ উল্লাস উদাসীন
 নদীর উজানে দিয়েছিল অব্যাহতি মাল্লাদের
 গুণটানা থেকে। গাঁঠ গাঁঠ বিলাতী বস্ত্রের ভার,
 রাশি রাশি মার্কিনী গমের ভাবনা ও প্রতিযোগী
 ব্যাপারীর বাদ-বিসংবাদ সঙ্গে সঙ্গে গিয়েছিল
 চুকে; এবং হঠাৎ অধোগতি অনুকূল স্রোতে
 হয়েছিল অব্যাহতি। অন্তরীক্ষ বিদীর্ণ বিদ্যতে;
 ভ্রমি; ভঙ্গ; জলস্তম্ভ; সমুখ প্রত্যাষ কপোতের
 পক্ষবিধ্বনন; সন্নত সবিভা বেগুনী শোণিতে
 লুপ্ত রহস্যের বীভৎস প্রতীক; ফুটন্ত জলার
 জালে জর্জরিত তিমি; শেষনাগ শিথিলকুণ্ডলী,

মৎকুণের উপজীব্য; অপ্রমের নির্বাতমন্ডলে
বিধবস্ত সলিল; উর্ধ্বশ্বাস বরুণের বিপরীত
রতি—সবই দেখেছিলুম আমিও, না-দেখে দেখেছি
বলে ভাবিনি অথবা অস্বীকার করিনি দেখার
পরে; এবং এখন স্বভাবের অনুরোধেই
আমার অনন্য স্বপ্ন প্রাচীন প্রাকারে সুরক্ষিত
জনপদ, স্নিগ্ধ, সান্দ্র সন্ধ্যায় যেখানে খিন্ন শিশু
ভঙ্গুর তরণী-সহ মরুভূমিতে নিকষ গোপ্পদে ॥

কিন্তু গত শতকেও উল্লিখিত গ্রামের সন্ধান
পায়নি স্বয়ং র্যাঁবো, সার্বজন্য রসের নিপান
মৃগতৃষ্ণানিবারণে অসমর্থ বলে সে যদিও
ছুটেছিল জনশূন্য পূর্ব আফ্রিকায়, পরকীয়
সাম্রাজ্যবাদের প্রায়শ্চিত্তকল্পে যেন (সাকী আর
কবিতা সেখানে যেমন অভাবনীয়, মদিরার
অপর্যাপ্ত তেমনই দারুণ)। আমি বিংশ শতাব্দীর
সমান বয়সী; মজ্জমান বঙ্গোপসাগরে; বীর
নই, তবু জন্মাবধি যুদ্ধে যুদ্ধে, বিপ্লবে বিপ্লবে
বিনষ্টির চক্রবৃদ্ধি দেখে, মনুষ্যধর্মের স্তবে
নিরন্তর, অভিব্যক্তিবাদে অবিশ্বাসী, প্রগতিতে
যত না পশ্চাৎপদ, ততোধিক বিমুখ অতীতে।
কারণ ভূতের নির্বন্ধাতিশয়ে তথা ভবিষ্যের
নিষেধে অধুনা ত্রিশঙ্কু, এবং সে-খন্ড বিশ্বের
মধ্যে দ্বৈপায়ন আমরা সকলে, জানি কি না জানি,
নাস্তিরই বিবর্তবাদ। এমনকি উপস্থিত হানি
সম্ভবত অবাস্তব সুললিত সে-পদ্যের মতো,
যাতে রেণু, বেণু, কদাচ ধেনুও, মিলে, ক্রমাগত
অভিভাবে আত্মোপলব্ধির অভাব লুকিয়ে রাখে,
এবং অলীক ভেবে, উচ্ছ্বাসিত স্বপ্নরচনাকে
যখন করেছি ত্যাগ, সেকালে স্বকপোলকল্পিত
সর্বনাশে হাহুতাশ অবৈধ ও সাফল্যবর্জিত ॥

উপরন্তু, দেবযানী-শর্মিষ্ঠার কলহকলাপে
 আমার অদ্বৈতসিদ্ধি পণ্ড হয়ে থাক বা না-থাক,
 অকাল জরায় আমি অবরুদ্ধ নই শূন্যশাপে;
 অজাত পুরুষের সঙ্গে ব্যতিহার্য নয় দুর্বিপাক।
 অর্থাৎ প্রকট বলে সন্তোগের অনন্ত বণ্ডনা,
 পণ্ডাশে পা না-দিতেই, অন্তর্ঘামী নৈমিষে নির্বাক:
 এবং রটায় বটে মাঝে মাঝে আজও উদ্ভাবনা
 পরিপূর্ণ মহাশূন্য ভস্মীভূত জ্যোতিষ্কের প্রেতে,
 প্রাক্তন অভ্যাসদোষে ভুলে যায় মৌনের মন্ত্রণা
 উন্নীত অমর কাব্যে কাগজের সুকুমার শ্বেতে;
 কিন্তু চিত্তবিক্ষেপেও অভিব্যাপ্ত বতুল সংসার
 যেখানে আসক্তি, ঘৃণা ভিন্ন শূন্য প্রাণবর্তী সংকেতে,
 এবং চক্রান্তভুক্ত পূর্বাপর নিপাত, উদ্ধার
 যেহেতু, আমাকে তাই অনুযোগ, শোচনা, ঈর্ষাদি
 ক্ষেপাতে পারে না আর। চরাচরে নেতির বিস্তার
 নির্বিকার, হয়তো বা নিরাকার বন্ধের সমাধি:
 অন্তত এ-পরিবেশে মানুষের প্রার্থনাসমূহ
 জাতিস্মর অভিমন্যু; তবু শূন্য বিধাতাকে সাধি—
 মেনে নিতে পারি যেন অপ্রতর অসীমের ব্যহ,
 স্বপ্নে, জাগরণে যেন মনে রাখি নয় কল্পতরু
 উর্ধ্বমূল, অধঃশাখ, দুর্নিরীক্ষ্য সেই মহীরুহ,
 যাকে কেন্দ্র করে ছোট্টে দিগ্বিদিকে সমুদ্র—না মরু?

১৮ মার্চ ১৯৫৩

উন্মার্গ

ঢেউ গুণে গুণে কেটে যায় বেলা
সিঙ্কুতীরে :
জানি পুনরায় ভাসাব না ভেলা
অবাধ, অগাধ, অপার নীরে ।
তবে মাঝে মাঝে কেন মনে পড়ে
পালের স্ফূর্তি উদ্দাম ঝড়ে ;
উধাও তারার ইশারায় পথ
অবার নিরুদ্দেশে,
যেথা সর্বতোভদ্র জগৎ
সম্ভাবনার নিখিল নির্বিশেষে ?

অথবা নিবাত, নির্মল, নীল
দ্বিপ্রহরে
পরিণত মায়ামুকুরে সলিল
আকাশে, বাতাসে আলস ভরে :
স্তম্ভিত তরী যেন পটে আঁকা ;
অবাক বলাকা সংবৃতপাখা ;
অনাথ স্বীপের বৃথা অধিবাস
বিলীন বিস্মরণে ;
অঙ্গুরীদের নিভৃত বিলাস
মৃগাভিকচ রক্ত প্রবাল-বনে ॥

কখনো আবার বাদলে ব্যাহত
আলোর গ্লানি
চেতনাচেতনে ঘনায় নিয়ত
অজ্ঞাত দিনের অন্ধ হানি ।
কিন্তু একদা সন্ধ্যার আগে
মৌসুমী মেঘ ভিন্ন দূর ভাগে,
স্নানযাত্রার স্বর্ণ সরণী
মুক্ত মর্ত্যধামে :
দক্ষিণে ডোবে স্মিত দিনমণি,
পৌর্ণমাসীর চন্দ্রমা জাগে বামে ॥

তার পর প্রতি পলের অভেদ :
দিবা ও নিশা
আনে না কালের স্রোতে বিচ্ছেদ ;
এমনকি আয়ু হারায় দিশা ।
নিত্য অন্তরীক্ষ ও জল,
অতৃপ্ত তৃষা তথা কুতূহল,
এবং দূরাপ, দূর দিগন্ত—
মৃত অসন্ধান ;
গ্রীষ্ম, বর্ষা, শীত, বসন্ত
সে-ষবনিকার প্রতিভাসে ক্ষীয়মাণ ॥

তব্দ এসেছিল সহসা ব্যাঘাত
স্বগত ধ্যানে ।
কঠিন মাটির অভিসম্পাত
বতেছিল কি অভিজ্ঞানে ?
অস্তত দিতে চেয়েছিল ঘৃষ
মণি-কাণ্ডন-যোগে প্রতুষ ;
প্রশান্তি ব'লে হয়েছিল ভুল
শঙ্খচিলের হাসি ;
মায়াবী পর্দালনে লোভের প্রতুল
দেখেই তরণী শূন্যে অবিশ্বাসী ॥

অনাশ্রীয়ে মদুখ চেয়ে আছি
সে-দিন থেকে :
উজ্জ্বল কুড়িয়ে অগত্যা বাঁচি
নিরুপার্জন নির্বিবেকে ।
দৃষ্টির সীমা মাপে হিমগিরি ;
পর্ণকুটীরে দুর্যোগে ফিরি ;
সৈকতে এসে বসি কদাচিৎ
অমর উপক্রমে ;
মহাৰ্ণবের সামসঙ্গীত
হয়তো বা শূন্যে শূন্যের মাধ্যমে ॥

১৪ এপ্রিল ১৯৫৩

প্রত্যাবর্তন

গোধূলি উড়িয়ে সন্ধ্যার হাওয়া যখন ওঠে,
নিষ্কলঙ্ক, নিত্য নভস্থলে
নক্ষত্রের প্রাক্তন কারুকার্য ফোটে,
মহাসমুদ্র চকিত বাঁড়বানলে,
চিরপরিচিত জগৎ অল্পে অল্পে
পরিবর্তিত মৃক্ষ চিত্রকল্পে,
তটের জনতা নৌজীবীদের গল্পে
কান পেতে থাকে অলস কোঁতুহলে,
তখন অপরে ফেরে বন্দরে,
কেবল সাধের ময়ূরপঙ্খী অকূলে ছোটে ॥

২

বামে বিস্তৃত নারিকেলবীথি—বনচ্ছায়া
স্বচ্ছ বিরল গ্রামের ধবল লেপে ;
দক্ষিণে জল—শ্যাম লাভণ্যে মরীয়া মায়া,
প্রথর পিপাসা লক্ষ যোজন ব্যেপে ।
নিমেষে নিমেষে গতিবেগ ক্রমতর্গ ;
স্থলের দর্প প্রবালপুঞ্জ চর্গ ;
অর্ধবৃত্ত অবশেষে পরিপর্গ ;
অনন্ত অপ্ ব্যোমের অবক্ষেপে ।
বিশ্ব স্বাধীন : অম্বরে মীন ;
মাটির মমতামুস্ত তিমির পৃথল কায়া ॥

৩

মধ্যে মধ্যে শ্ৰুতমৌলী ইন্দ্রনীলে
পীত-হরিতের অচির আভাস লাগে;
অজানা দ্বীপের বার্তা রটায় শঙ্খচিলে;
শৈশবে শোনা রূপকথা মনে জাগে।—
হয়তো সেখানে অশোককাননে বন্দী
বৈদেহী সাথে বিধাতারই অভিসন্ধি;
অস্তিত বায়ু চন্দনে সৌগন্ধী,
স্বর্ণলঙ্কা রম্য অস্তুরাগে।
রাম-রুরণের প্রহর রণের
জের তাহলেও ন্যস্ত বিশ্বামিত্র খিলে ॥

৪

অসীম অমায় সহসা স্ফরাট্ অন্দ্রপ্রভা:
বুঝি বা পেনাং আবার সন্মিকটে।
মন্থর তরী—তরল রজতে সীতার শোভা;
ডাকে অদৃশ্যে অঙ্গুরী ছায়ানটে।
উদয়গিরির শিখরে সবুজ সূর্য
শর্বরীশেষে আকস্মিকের তূর্ষ;
অবিশ্বাস্য উদ্ভিদে বৈদূর্ষ;
অথচ কী উৎকণ্ঠা সর্ব ঘটে!
শিবি পলাতক; গুপ্ত ঘাতক
গুন্মে গুন্মে: আতঙ্কে আদি অটবী বোবা ॥

৫

প্রতিবিস্মিত উপসাগরের শান্ত নীরে
সরল শৈল টাইফুনে অবিচল,
প্রতীক্ষ্যমাণ স্নেহে হংকং তরণী ঘিরে ;
পরিমণ্ডল আশ্রিতবৎসল ।
কিন্তু তাকিয়ে দেখি সেই সঙ্কীর্ণ
উপকূলে উদ্বাস্তুরা উত্তীর্ণ ;
তারা যেন নীলকণ্ঠের উদ্‌গীর্ণ
ষুগাস্তরের অঙ্গীর্ণ হলাহল ।
স্রোত প্রতিকূল ; চীনে দিক্‌শূল ;
তাতারহানার পুনরুদ্যোগ অন্য তীরে ॥

৬

অণুবিদারণে শত সহস্র মানুষ হত,
ব্যস্ত অভিব্যক্তিবাদের ফাঁকি :
বেতালগ্রস্ত বিকলাঙ্গের দৃষ্ট ক্ষত,
পরিত্যাজ্য হিরোশিমা, নাগাসাকি ।
জিত ও বিজেতা অবশ্য প্রত্যক্ষে
সুপ্রতিষ্ঠ অনুরণীয় সখে ;
প্রত্যাখ্যান তবু সংবৃত চক্ষে,
কঙ্কলগ্ন প্রকোষ্ঠে নেই রাখি ।
উলঙ্গ রামা-সহ রোকোহামা ;
বিদেশী নাবিক মাতাল এবং অপরিণত ॥

৭

প্রতিদ্বন্দ্বী কোটি মৈনাক দিগ্‌বিদিকে,
নিরর্থ নাম প্রশান্ত পারাবার :
গগনে গগনে বজ্র শাসায় জনান্তিকে ;
পদান্তে প্রাগ্‌জৈবিক হাহাকার ।
আচম্বিতেই দক্ষিণমুখ রুদ্র—
বরাভয়ে পদন পূর্বাশা উল্লসিত ;
অস্তত সান্‌ ফ্রান্সিস্কেয়ার ক্ষুদ্র
কুলায়ে নিখিল নাস্তির প্রতিকার ।
আগলায় ভাট সোনার কবাট,
প্রবেশাধিকার দেয় না বিজাতি কান্ডারীকে ॥

৮

অর্ণবপোত ফলত উধাও নিরুদ্দেশে :
দুহুদ পদলিনে উষ্মা নিয়ত বাড়ে ;
আঁধির নৃত্য রুক্ষ নগের সন্নিবেশে ;
অনুদমিত ঘুণ পৃথিবীর হাড়ে হাড়ে ।
যথাকালে ক্ষয়ে যার সে-বাম ভূখণ্ড ;
দ্বৈপসাগরে স্বতন্ত্র মানদণ্ড :
পশ্চিমে সাম্রাজ্যের মার্তণ্ড ;
মাৎস্যন্যায় প্রাচীর স্বস্তি কাড়ে ।
উর্ধ্বশ্বাস আরন বাতাস ;
অতলাস্তিক উঠে গণ্ডির বাহিরে হেসে ॥

৯

আকাশে পাতালে উত্থান পাত একদা থামে
কুয়াশায় ঢাকা টেম্‌সের মোহানায়,
যার নেপথ্যে লন্ডন্ অভিবিস্তৃত ঘামে
নায়কের পাঠ বারে বারে ভুলে যায় ।
রুঢ় মাসেই বিকট প্রায়শ্চিত্তে ;
নিঃস্ব নাপোলি অন্দুপার্জিত বিত্তে ;
মরণাপন্ন আখিনে কুপিত পিত্তে :
স্টেপের প্রসারে লোকালয় নিরুপায় ॥
আতে আতে, স্বার্থে স্বার্থে
সংঘাত তথা বিপ্রকর্ষ মর্ত্যধামে ॥

১০

শ্তাম্বল্ সাধে কত গম্বুজ, মিনার থেকে ;
কৃষ্ণসাগর গর্জায় উত্তরে ।
সুবিধাবাদের ক্লব্য বাচাল দস্তে ঢেকে,
নাতিদূরে কারা সুয়েজের ধুয়ো ধরে ?
আরবে ধর্মরাজ্য পাতার জন্যে
এডেন্ পূর্ণ য়িহুদির হৃত পণ্যে ।
‘নৈব্যক্তিক করাচির জনারণ্যে
ক্ষুধিত রক্ষ, হিন্দু, যা খুশি করে ।
স্বপ্নচারিতা নিঙাস্ত বৃথা :
বাঁচে মাঝি, চেনা ঘাটের কাদায় নৌকা ঠেকে ॥

২৩ মে ১৯৫৩

৫৬

প্রান্তনী
পদনলিখিত কৈশোরিক কবিতা

পুনরাবৃত্তি

অন্যায় রণে বার বার বিধ্বস্ত,
হৃদয়দর্গ করিয়াছিলাম রুদ্ধ,
ভরিয়াছিলাম লোরে পরিখার প্রস্থ,
রাখিয়াছিলাম প্রতিশোধ উদ্বুদ্ধ।
ক্ষেপা দ্ব নয়ন সজাগ প্রহরী তোরণে;
বৃথা সাধনার কণ্টকে ঢাকা সরণী।
এখানে কেমনে আগত নীরব চরণে
মধুমাধবের সঙ্গে নবোড়া ধরণী?

সতীহারা সতীপতিসম শোকে মাতিয়া
দক্ষযজ্ঞ করিয়াছিলাম পণ্ড;
পরিয়াছিলাম গোক্ষুরে মালা গাঁথিয়া;
তাণ্ডবে স্মৃতি হয়েছিল শত খণ্ড।
তার পরে কোন্ মেঘাবৃত গিরিচূড়াতে
খুঁজিয়াছিলাম ধ্যানে অন্তর্হিতারে।
কে এলো নিভূতে তৃতীয় নেত্র জুড়াতে;
শূন্যে আবার মোহিনী মায়া কে বিথারে?

সহসা অসাড় তুষার পড়েছে খসিয়া;
শব্দক কাণ্ঠে চ্যুতমঞ্জরী ধরেছে;
অতনুর ফুলশায়ক বক্ষে পশিয়া
আজি রুদ্ধকে দক্ষিণমুখ করেছে।
পদতলে বসে গৌরী বন্ধদৃষ্টি;
বরমালাধৃত করযুগ নিম্পন্দ।
পুনরায় নির্বিঘ্ন সকল সৃষ্টি;
স্বর্গ অবার, দেবাসুর নিদ্বন্দ্ব ॥

আদি রচনা: ১৭ মাঘ ১৩৩০

লগ্নহারা

তোমার আমার বাড়ির মধ্যে যবে
ছিল শূধর সরূ গলির ফাঁক,
চোখে চোখে চলত দেওয়া নেওয়া,
বল্যুর সময় জিহ্বা হতবাক্ ;

যখন তোমার বাতায়নে চেয়ে
ভুলে যেতুম চার প্রহরের ভেদ ;
সন্ধ্যাপ্রদীপ জ্বললে তোমার ঘরে
মিটত যখন আমার সকল খেদ ;

বহু যুগের ও-পার হতে যবে
প্রথম আষাঢ় পাঠাত মেঘদূত ;
সুযোগ যখন আসত ঘরে ঘরে,
বরণমালা হতো না প্রস্তুত ;

স-দিন তোমার মূখের মধু পেলে
ফুটত না কি বকুল মরা ডালে ;
ভুলের পরে জমিত কি ভুল তবু ;
পথ হারাত রথ কি চাকার টালে ?

এখন থাকি পৃথক্ পৃথক্ দ্বীপে;
অশ্রুসাগর হৃৎকৃত মাঝখানে;
সেতু—সে তো দূরের কথা, হেথা
খেয়াঘাটও মিলে না সন্ধানে।

কাঁটার বেড়া গহন গুহার দ্বারে;
চাই না আগলুকের ব্যাঘাত আমি।
তুমি জাগো পরের শয়নীয়ে;
ঘন্মে বিভোর তোমার অন্তর্ঘামী।

লগ্ন গত। কী হবে আর ভেবে
কবে ছিল কিসের সম্ভাবনা।
চম চক্ষু যবানকায় ঢাকা;
স্মৃতি থেকে মূছক প্রস্তাবনা ॥

আদি রচনা: ১৮ চৈত্র ১৩৩০

অসময়ে আহ্বান

মরণ, আমারে দিয়েছ আজিকে ডাক ।
নান্দীমুখেরও বহু বিলম্ব আছে ;
সকালে বাজায়ৈ সন্ধ্যাবেলার শাঁখ,
মিয়াদীয়ে বলো এখনই আসিতে কাছে ?
পাতাঝরা বনে তুষার গলেছে সবে ।
কল্পতরুর সন্ধান নিতে হবে ;
অন্তত ফুল ফুটুক অফলা গাছে ॥

ধ্যানে আজকাল মানসীয়ে প্রায় হেরি ;
পেয়েছি মূর্তিপূজার প্রত্যাদেশ ।
উজ্জীবনের যদিও অনেক দেরি,
তবু প্রতিমার কাঠামো হয়েছে শেষ ।
ঘটুক মিলন সাধে এবং সাধে ;
তার পরে দিও দীক্ষা শূন্যবাদে,
তার পরে মুখে তাকায়ো নির্নিমেষ ॥

দুর্মদ আজও রয়েছে উধর্শির ;
এখনও জগতে ব্যক্ত অত্যাচার ;
অবমানিতের অবল অশ্রুণীর
ঝরে ঘরে ঘরে, দেশে দেশে হাহাকার ।
স্বার্থ এখনও মরে নাই অপঘাতে ;
রাজ্যদন্ড বিরাজিত তার হাতে ;
অপ্রতিহত মিথ্যার বিস্তার ॥

গতানুগতিক আশ্বাসে এত কাল
বিমুখ থেকেছি শাসননাশন রূতে ;
কোষে নিবন্ধ খরধার করবাল,
মোহন মুরলী খসেনি হস্ত হতে ।
আজও অনুভবে নিহিত সম্ভাবনা,
নিরুদ্দেশের অসীম উন্মাদনা
উহ্য যেমন বন্দরে বাঁধা পোতে ॥

কান পেতে শূনি যেখানে দিগন্তরে
পুরাতন বাঁধ ভাঙে বিদ্রোহবানে ;
দেখি ঝঞ্জার আয়োজন অম্বরে ;
আমিও আহত বর্ষা মৃক্তিগ্নানে ।
অনুমতি দাও আরও কিছু কাল থাকি
বিশাল বিশ্বে বিস্ফারি দুই আঁখি ;
ডেকো না, মরণ, এখনই সমিধানে ॥

আদি রচনা: ২৪ চৈত্র ১৩৩০

প্রত্যাখ্যান

আমার মনের বনের সঙ্গোপনে
যেই পারিজাত ফুটে উঠেছিল স্বত ;
অনিবারণীয় ঋতুপরিবর্তনে
যার মধুরিমা হয় নাই অপগত ;

কালবৈশাখী-আরোহী দন্ডপাণি
পথের ধূলায় পাড়িতে পারেনি যারে ;
রুঢ় নিদাঘের পিপাসাপীড়িত হানি
শোষণ করেনি যে-সং স্নিহুতারে ;

ভরা বাদলের অনুরচিত প্রশ্রয়ে
উথলেনি যার হৃদয় আচম্বিতে ;
চাহেনি যে ভাগ শরতের অপচয়ে ;
কীটের উদর ভরায়নি কভু শীতে ;

নব বসন্তে নায়িকানির্বিশেষে
দিইনি যে-ফুল ক্ষণিকার হাতে তুলে ;
সে-কুসুমে রচি অঞ্জলি অক্লেশে,
রাখিয়াছিলাম তোমার চরণমূলে ।

এক বার তুমি তাকালে না তার পানে,
গন্ধে পরাগে নিলে না নিজেরে ভরি ;
কর্ণিকাসার তাই সে দিনাবসানে ;
ত্রিসীমায় আর আসিবে না মধুকরী ।

আদি রচনা : ১৪ জ্যৈষ্ঠ ১৩৩১

প্রতিধ্বনি

নিষ্ফল স্বেদ, বৃথা নির্বেদ,
মিছে কাঁদা ;
যাচক হস্ত অনভ্যস্ত,
মৌনীর বীণাবে মিছে সাধা ।
সান্দ্র আলসে কাটালেম দিনগুলি ;
উপভোগে গেছি বেদনার রীতি ভুলি ;
দ্রষ্ট লগ্নে ঝাড়িয়া যুগের ধূলি,
মিছে আজি তার বাঁধা ।
অপটু যন্ত্রী, ছিন্ন তন্ত্রী ;
ব্যর্থ প্রয়াস, বৃথা কাঁদা ॥

নিভৃত নিশীথে জাগিবে না চিতে
সান্ত্বনা :
কবিবে না মীড় নিরাসক্তিব
নয়্ন মহিমা-বিরচনা ।
তীর নিখাদে হবে না সহসা মৃক
বিরূপ সভার প্রগল্ভ কোঁতুক ;
অনুকম্পায় মহাকাশ জাগরুক,
দিবে না উদ্দীপনা ।
সঙ্গীতশেষে অফুরান রেশে
জাগিবে না আর সান্ত্বনা ॥

একদা প্রভাতে কঠোর আঘাতে
বীণাখানি
অজস্র সুরে সমে স্বরে স্বরে,
পেয়েছিল খুঁজে ধুব বাণী ।
আজি অপরের দুরাগত রাগালাপে
শিখিল তন্দ্রী মনহনমনহন শন্থন কাঁপে
কভু অভিমানে, কখনো বা পরিতাপে,
মর্তমর্তি হানি ।
দুঃখের ভয়ে ধরিনি হৃদয়ে,
তাই হতবাক্ বীণাখানি ॥

আদি রচনা : ১৬^৮ অগ্রহায়ণ ১৩৩২

অনিকেত

আজিকে মেঘবাচ্ছিন্ন প্রথম আষাঢ়ে
অনাহত কে অতিথি অবরুদ্ধ দ্বারে
হানি মৃদু করাঘাত, করিতেছে দাবি
প্রাণধান মোর অনামনে? কে মায়াবী
আকাশে অঙ্গুলি তুলি, বলে কানে কানে
নিশ্চিন্তে পাঠাও মেঘদূতেরে সেখানে,
আজন্মবাঞ্ছিতা যেথা শঙ্কাম্বরে ঢাকি
কৃশ তনু, বসে আছে একবেণী, আঁখি
ন্যস্ত দিগন্তরেখায়? সজল মল্লারে
কে ঘোষিছে শ্রীচরণ রাখিয়া কহ্নারে,
আসিবে শারদলক্ষ্মী, ঝরায়ে শেফালী,
অঞ্চলে নবীন ধান্য; বিরহের কালি
মিলনের পূর্ণিমায় রহস্য ঘনাবে?
অতীতেও অনুকূল ঋতুর প্রভাবে
প্রতারক দুরাশারে দিগেছি প্রশ্রয়
বারংবার; তবু আজ তোমার অভয়
পুলক ডাগায় দেহে, ভোলায় জিজ্ঞাসা।
দুঃকূল ছাপাতে চায় যবে কর্মনাশা
নিঃসঙ্গ ঝড়ের রাতে, অর্গলিত ঘরে
কলঙ্ককিরীট দীপ ভয়ে কেঁপে মরে,
তামসীরে ব্যক্ত করি, অমনই সুদূরে
তোমার চরণধ্বনি বাজে দিব্য সুরে॥

শীতে, গ্রীষ্মে, প্রাবৃটে, শরতে আমি শূন্য
 পাতাঝরা প্রতিবেশে, হে নিত্য ফাল্গুনী,
 তুমি আসো ; স্বন্দ্বয়ুগে তুমি কিরাতেরে,
 আনো পাশুপত অস্ত্র, কুচক্রীর ফেরে
 ধর্মরাজ্য বিপন্ন যখনই । হিংসা যবে
 পুষ্ট হয় অভ্রভেদী মিথ্যার খান্ডবে,
 তখন ভিক্ষুর বেশে সত্যবৈশ্বানর
 তোমাতে জানায় ক্ষুধা ; হে গান্ধীবধর,
 তুমি তার পারণ করাও । জ্যোতিঃস্রোতে
 নামে দূর, দুর্নির্নীক্ষ্য নীহারিকা হতে
 তোমার আকাশবাণী, হৃদয়বেতারে
 স্বতঃস্ফূর্ত অবেদ্য সঙ্গীত । বিজেতারে
 খুঁজে পাই চেতনার অতলে অমনই ;
 বসন্তের উগ্র মদে উদ্ভুদ্ধ ধমনী
 ব্যাপ্তি চায় অমেয় জগতে ; মনোরথ
 অবাধে সম্মুখে ছোটে, যেথা ভবিষ্যৎ
 লক্ষ্যকাম হেমন্তের সুবর্ণসম্ভারে
 শোভমান, এবং মৃত্যুর পরপারে
 গান্ধী, শিব, সুন্দরের অসীম সুখমা,
 অন্বিল্ট নির্বাণ আর সর্বদর্শী ক্ষমা—
 বীতশোক তথাগুত সাক্ষ কর্মফল,
 তন্মাত্রের অঙ্গীকারে পুনরবিকল ॥

খেদ এই ক্ষণস্থায়ী তুমি : আসো যাও
 খুশিমতো ; যাচকের নিবন্ধ এড়াও ;
 দুর্গম সঙ্কেতে ডেকে, বিপ্রলঙ্ক করো ;
 শূন্য থাকে মনের মন্দির ; মূর্তি ধরো
 নীরদের নিয়ত বিকারে ; পরিচয়
 দাও না সম্পূর্ণ হতে ; ঘোচে না সংশয়
 তোমারে নেহারি কি না প্রসারিত মাঠে
 প্রত্যুষের কুয়াশায় ঢাকা—খেয়াঘাটে
 গৃহগামী কৃষকেরা যবে সন্ধ্যাবেলা
 জটলা পাকায় ; তোমারই প্রচ্ছন্ন খেলা
 একাগ্র কর্মীর অভীষ্ট অসিদ্ধ রাখে—
 অবদান অর্শায় অলসে ; নগ্ন শাখে
 প্রতিভাতি পলাশের উচ্চকিত শোভা,
 পৃথিকের গম্ভব্য ভোলাও ; কখনো বা
 অগোচর কদম্বের তীর গন্ধোচ্ছ্বাসে
 বিঘ্ন আনো বৈরাগীর শ্মশানবিলাসে ।
 মানি তুমি আশ্বাসে কৃপণ নও ; তবু
 অন্তর্ধানব্যতিরিক্ত আবির্ভাব কভু
 তোমার স্বভাব নয় । নিষ্ফল সন্ধান
 ফুরায় সামর্থ্য তাই, বিরল আহ্বানে
 সর্বদা জাগে না সাড়া, ভাবি মাঝে মাঝে
 তুমি স্বপ্ন, ধ্রুব সত্য প্রপঞ্চে বিরাজে ॥

আদি রচনা : ৪ আষাঢ় ১৩৩২

পথ

অনুগ উত্তর হতে পলাতক দক্ষিণের পাছে
ছুটেছে একাগ্র পথ, দুর্নিবার, নিভীক, উৎসুক,
অবিশ্রাম। লঙ্ঘি গিরি, অতিক্রমি নদী, দ্বিখন্ডিত
করি স্থাপদসঙ্কুল অরণ্যানি, শত নগরীর
প্রলোভন উপেক্ষি নির্দয়ে, প্রাগসর ঋজু পথ,
যেন বিশ্বমানবের কসরক্ষম করে উর্ধ্বরেখা—
অনুকূল দৈবের স্বাক্ষর। জাতিগত চেতনার
কুহেলীগর্ভিত প্রাগ্‌ষায়, স্বপ্নোখিত কৃষ্টি যবে
মৌল জিগীষায় উচ্ছ্বল প্রকৃতির চেয়েছিল
আয়ত্তে আনিতে, হানি তার নিষ্কবচ বৃকে শেল,
গদা, পরশু, প্রভৃতি প্রাগৈতিহাসিক অস্ত্র, সেই
অক্ষত্রিয় বশীকরণের অলঙ্জিত অভিজ্ঞান
এই রক্ত পথ, প্রগল্ভ প্রবাদ উৎকীর্ণ সকল
দেহে, কী বলে নিবিদে ?

মনে হলো ও-মহাপথের
সঙ্গে আমি পরিচিত জন্মপরম্পরাসূত্রে : ওর
ধূলিকণায় নিহিত যে-অস্থিতি, পূর্বপুরুষেরা
আমারে বসায় গেছে সে-জঙ্গম উত্তরাধিকারে।
উড়ীন মৈনাকে করেছিল অভীপ্সাসণ্ডার তারা ;
তাদেরই জিজ্ঞাসা ঐকান্তিক পদাচিহ্ন এঁকেছিল
রিক্ত নিরুদ্দেশে ; চক্রব্যূহ রচেছিল মরীচিকা
দিয়ে আত্মস্তরি মরুতে তারাই ; রথের নেমীতে
অরাতির পঞ্জরাস্থি নিয়ত নিষ্পেষি, এনেছিল
সংহতি কদমে, অনাগত ভবিষ্যতে সন্তানের
অশ্বমেধ যাতে না পায় ভৌতিক বাধা। অকস্মাৎ
কালের প্রবাহ ছুটিল পশ্চাৎ মুখে, প্রত্যক্ষের
সীমা উত্তরিল শাস্বত সংবিৎ, ইন্দ্রিয়নিচয়
যেন পাশরিল অধিকারভেদ।

উৎকর্ণ নয়নে

দেখিলাম, শূন্যলিলায় অনিমেষ কানে এশিয়ার
আমের, বিস্তারে ইতস্তত অপদেবতার লীলা
প্রায় অবসিত; গতানুগতিক শ্রমে মোহ্যমান
জনতার ঘুম উপদ্রুত অকারণ অসন্তোষে;
বিষম বিরাম ব্যক্ত একাধিক বার একতান
নিঃশ্বাসে-প্রশ্বাসে; নিষিক্তপ্রবেশ হৃদয়ের দ্বারে
করাঘাত, অবিবেকী প্রণয়ীর মন্ত্রণা যেমন
কুমারীর আদিষ্ট কুণ্ঠায়; অনাদি তুষার—অজ,
অন্ধ অসংযের পুরাণ প্রতীক—তাতে মলয়ের
দৌত্যে মৃহমৃহ সংক্রান্ত সিন্ধুর—রৌদ্রসমুজ্জ্বল,
ইন্দ্রনীল, সচল সিন্ধুর—উন্মুখর আমন্ত্রণ;
সমষ্টি গভির্গী প্রাতিস্বিক প্রাণের প্ররোহে; যৌথ
অনীহায় উহ্য উৎক্রম, উদ্দেশ।

সহে না, সহে না

আর দিনগত পাপের ক্ষালনে নিত্য অন্ততাপ;
বন্ধমুষ্টি পৃথিবীর উচ্ছ্রষ্ট কুড়িয়ে সধর্মীর
সঙ্গে বিপ্রলাপ; গোষ্ঠে বা শিকারে উদয়াস্ত বৃথা
কায়ক্লেশ; বন্ধুক্ষু প্রদোষে ফেরা পৈতৃক কারায়;
মিটাতে বংশের দাবি মধ্য রাত্রি অভ্যস্ত আশ্লেষ।
শূন্য মৃথচেনা বান্ধবের সুলভ সহানুভূতি
রোগে, শোকে, দর্বির্পাকে অনন্য সহায়; আশ্রিতের
উৎকণ্ঠায় অনিরুদ্ধ মৃত্যুর প্রস্তুতি দর্বির্ষহ
লাগে। দীপাধারে পশুর দর্গন্ধ মেধ; বিষায়িত
কুটীরের ভিড়ে একাকার সন্নিধির নিরালোক
জ্বালা; বিশ্বামিত্র অর্গল কবাটে। শত শ্রেয় ঝড়;
তান্ডবে উৎকর্ণ হিম দ্বারের বাহিরে; জড়ে জীবে
দ্বন্দ্বযুদ্ধ, স্বতন্ত্র উভয়ে।

অনুন্নত আকাশের
 ষড়যন্ত্রভাগী, যে-তুঙ্গ পর্বতশ্রেণী মানবের
 স্ফূর্তিরোধ করে সঙ্কীর্ণ ক্ষিতজে, তার পরপারে
 সমভূমি মমতার বিনিময়ে স্বেপলঙ্কি চায়
 সমর্পিতে। সুপ্ত পুত্র-কলত্রের মূখ, দুর্দিনের
 পরিপন্থী জঞ্জালের বোঝা, জ্যোতিষীর অনুমতি,
 মানা মূছে যাক মন থেকে নিশিশেষে দুঃস্বপ্নের
 মতো। অথবা বিরহ নিতান্তই নিগূঢ় অন্তরে
 যদি জাগে, তবে যেন সে-শূন্যকেন্দ্রিক বহি তাপ
 তথা আলোক বিতরে পরাবর্তহীন সর্বনাশে।
 কক্ষচ্যুত ধ্রুবতারা; নেই কালপুরুষ শিয়রে;
 অক্ষকারে দুঃপাঠ্য ললাটলিপি; অশ্লেষা-মঘায়
 কতিপয় মরীয়া মানুষ অজানার অভিসারে
 বন্ধপরিষ্কর।

হেষ্কারব সহসা স্বগত মৌনে।
 তার পরে দুর্দুর্দুর্দু—সে কি হৃৎস্পন্দ, না ক্ষুরধ্বনি
 তুষারঘর্ণিতে? কোথা সহযাত্রীরা সকলে? পাশে
 কে অপরিচিত, অতিকায় জন্তু, না দানব? শীত,
 শীত, নিখিল নাস্তির শীত সংক্রমিত ধাবমান
 দেহের উষ্মায়। গিরিগাত্রে সম্পাতের ভয়; প্রতি
 পদে নিমজ্জন আবক্ষ গহ্বরে; এবং সানুতে
 প্রতিকূল বায়ুর শীৎকার অতিষ্ঠ, অপৌরুষেয়।
 সেখানে প্রত্যাষ ঔষার নিষ্ঠুর বিড়ম্বনা, শ্বেত
 দংষ্ট্রা অপ্রতর শিখরসমূহ, এবং পাতাল
 প্রগতির অভিমুখে, অতিক্রান্ত সোপানে সোপানে।
 অবশেষে অন্বিষ্ট সঙ্কটপ্রাপ্তি সঙ্কল্পের গুণে,
 কণ্ঠাগত প্রাণে অবরোহ বিমূখ বাহন-সহ,
 এবং বিশ্রাম, শৈলমূলে অমেয় বিশ্রাম।

বর্ষা

যুগান্তরে সূর্যোদয় তীর্ণ বৈতরণীর সৈকতে ।
সঙ্গে সঙ্গে তৃষিত বল্লমে শোণিতের প্রতিশ্রুতি ;
লোলবগো তুরঙ্গের গতি কোষবন্ধ কৃপাণের
মৃদুমৃক্ষাশিঞ্জিত ; তৃষে' তৃষে' দিগ্বিজয় ; বর্ষরের
বিধবস্ত পত্তন প্রজ্ঞার আহুতি অভিযানে ; বনে
বা গুহায় পৌত্তলিক অন্ত্যজের অক্ষম কল্পনা
নির্বাসিত ; অরাজক অন্তরীক্ষ ধ্বনিত স্বেহমে ।
তার পর ? যবনিকাপাত ; চূড়ান্তের প্রাক্কালেই
প্রস্থিত নায়ক ; সূত্রধার পর্যন্ত নির্বাক ; ভূমা
অকস্মাৎ অনেকান্ত সংসারে শতধা ; জীবন্মৃত
অমৃতের আত্মজ্ঞ সন্ততি ; নিজর্জন পথের শেষ
চক্রবালে বিন্দুপরিমাণ ; ভবিতব্যে ভবিষ্যৎ
লুপ্ত পুনর্বীর ; রাগি প্রত্যাগত ।

দাঁড়াও, দাঁড়াও,

আদি পিতা ; নতুবা নেপথ্য থেকে করো নিবারণ
আত্মজের ন্যায্য কোঁতুহল । দিগ্বেদে ঘট্টেই ভুল
যবে চতুঃসীমার সন্ধিতে দিশারীর সাক্ষ্য সভা
বাদ-বিতণ্ডায় হয়েছিল বিভক্ত হঠাৎ ? ফলে
এক দল গিয়েছিল অস্ত্রাচলে, মর্ত্যের মহিমা
একধারে যেখানে প্রত্যহ টানে ; এবং অন্যেরা,
অনন্তর্যোবন ধরিত্রীরে মৃত্যুর উৎকোচ ভেবে,
প্রাচ্যেও নির্বাণ খুঁজেছিল প্রাতঃসন্ধ্যা জ'পে । কোন্
পথ উপনীত পূর্ণের সকাশে ? না কি উভয়ত
সমাপ্ত সমস্ত চেষ্টা আত্মপ্রদক্ষিণে ? অকারণে
পৃথগ্ন ভ্রাতৃদ্বয় ? নষ্টমোহ বলে অবিচল
গন্তব্যের উপান্তে পৃথক ? কৈবল্য কোথাও নেই ?
জগৎ অন্বয়ব্যতিরেকী ?

কিন্তু নিরন্তর তুমি .

হাওয়ার দমকে খুলেছিল যে-গবাক্ষ অতীতের
প্রভ অন্ধকূপে, বন্ধ তা আবার ; চঞ্চর প্রতিহারী
জিঞ্জাসুরে বিতাড়িত করে প্রতিবেশী অটবীতে,
যেখানে গোষ্পদে কৃষ্ণসার আপনার প্রতিচ্ছবি
দেখে আর ভাবে গৌরব জটিল শৃঙ্গে, লজ্জা তথা
দুর্গতি চরণে । বৈজয়ন্তী ঘিরে শিবিরের নৈশ
সন্নিবেশ আদিগন্ত প্রান্তরের শ্যাম সমারোহে,
কিংবদন্তীমাত্র আজ প্রাকারবেষ্টিত জনপদে ;
কুরূক্ষেত্র সূচ্যগ্র মেদিনী ; পরিচ্ছিন্ন ভূমণ্ডল
স্বদেশে বিদেশে, জাতিভেদ সমাজে সমাজে ; গৃহী
ও বিষয়ী সাথে সার্বভৌম প্রব্রজ্যার বাধ ; পথ
অনাত্মীয় ; অন্তর্হিত বহ্নুজ্বালাকিরীটী পূরুষ ।
অচিন্ত্য পুনরাবৃত্তি নিরপেক্ষ কালের প্রবাহে ॥

আদি রচনা . ৫ চৈত্র ১৩৩৪

বাঙলার জীবিত জ্যেষ্ঠ

সর্বাগ্রগণ্য

কবিদের মধ্যে

সুধীন্দ্রনাথ দত্ত

স্বভাবতই স্বল্পবাক কবি ।

প্রায়

একযুগ পরে

তাঁর

পঞ্চম কাব্যগ্রন্থ

প্রকাশিত হল ।

১৯৩০-এ

প্রথম গ্রন্থ 'তম্বী'

তারপর 'অকে'স্ট্রা'

'কন্দসী'

'উত্তর ফাল্গুনী' ।

সবগ্রন্থই

বহুদিন পূর্বে নিঃশেষিত ।